

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28

deli
浙字02260122号 No.6230
得力集团有限公司



437
4016 / 1



李中丞遺集



四庫全書



聖

訓

寧

中

頤

興

集

一一一

泰

同治九年八月
湖南撫署重築

重刻李中丞遺集敘



重刻李中丞遺集敘



李瀛仙先生遺集重刻於湖南者予至楚之明
而讀之病其蕪雜無倫序蓋先生奏疏既無傳本其居
易草堂詩集先生之子刻之施南亦多散佚掇拾而刊
存之倒亂失次宜矣予惟先生宦蹟所至有聲在湖南
屢疏題請分闡士民感之至今其於先生遺箸有宜寶
貴而珍惜之者乃更爲整齊編次期使先生精氣散見
於文字間有所託以行遠以永楚人之思始予初至楚
人士以故督學通政錢公立尊大節負時重望在湖南

尤久訓士有程度請祀之名宦先生又故有專祠歲時
奉祀鄉里先進涖仕湖南者無幾而樹立表表爲士人
宗仰若二先生者庶幾可以無忝自維禱昧於二先生
無能爲役而通政錢公之祀名宦相距九十年至是始
得請今又取先生遺集按定之竊私自幸倚坳鄉里之
未得所窺仰又益以是重予心之愧咎矣時同治八年
歲次己巳秋九月景東後學劉 崐謹敘

原敘

士之彪炳宇宙而顯燦古今者曰政事曰文章然愚以爲古之政事文章出於一今之政事文章出於二三百篇中羔羊素絲卽降而大車諸什讀其文其政在焉且不必詞自己出其政傳則其文亦傳斯時之賢士大夫亦何嘗搦管抽思與藝林爭一日之長哉自三代以後文章政事判爲兩途循吏儒林彼此各分畛域易地卽有所不能其政與文遠不逮古此非人之才爲之亦世運相沿天爲限之也唐杜氏子美韓氏退之二人均抱

經國之才雖有毀佛骨一表獻三大禮一賦迄不見用
卒使握奇負異琢句於洞庭南嶽之間閒吟於同谷秦
川之地蔚然以詩賦名家然讀南山北征諸作其胸中
經濟如泉源隨地湧出所惜其施爲不竟於廊廟惠澤
未周於民社彼二子者時實爲之謂之何哉 中丞李
公異稟績學由學博而躋卿寮其歷南臺登西府任監
司膺節鉞所至爛然以政績著公退之暇輒自吟哦不
徒爲風雲月露之詞而經國之遠猷佐時之碩畫一一
在焉茲非合政事文章而爲一有以光我

朝鹿鳴天保之盛者哉今嗣君繼承家學由西曹出守

在焉茲非合政事文章而爲一有以光我

朝鹿鳴天保之盛者哉今嗣君繼承家學由西曹出守
施南大著循聲以繼 中丞公之志乃以政暇哀聚先

集梓行之遠來問序可謂無替箕裘之業者矣

乾隆辛未長至日太子太保文淵閣大學士兼工部尚
書年家眷侍生海甯陳世倌頓首拜撰



李中丞遺集目錄

卷一

居易草堂詩集

五言古

中秋後二日感懷

庚午初度示仲青弟

壽蕭敘九年兄

送劉三如長兄

立秋日有懷

獨坐

詠蘭

感時

狂靈壽作

送桐城張相國
予告南歸

趙烈婦

汪貞女

壽蘇谷侯年翁

遣悶

遣悶

七言古

杜坦如道長請廕宋儒邵康節子孫五經博士疏
入報可詩以紀之

閨怨

五言律

薄游

曉起

仙湖遠眺

秋日遊華藏寺

秋日之元江別家大兄

三百八渡

旅中不寐

三首

元江卽事

客中言懷

游三塔寺

重九前二日蒼山雪

同鄭沛三諸子飲園亭卽事

書懷

獨居

書懷

獨居

暮秋

江皋

塞上

小除日言懷

鳳山曉望

別靈壽士民

別鄭沛三文舉

思親

再過靈壽有懷諸紳士

除夕

春日言懷

送王安之任江津

長安秋懷

三首

秋風

懷朱奏雅學博

和許秀山太史韻

四首

望月有懷

上谷道中連日遇雨

望月有懷

上谷道中連日遇雨

秋夜獨坐

重九日署中登平臺卽事

流光

秋八月旱

秋旱步禱

飛雲洞 二首

浮生

冬夜獨坐

妾命薄

居易草堂

索居

夜坐

遣懷

老去

暇日

八月十五日

十一月七日

言懷

十一月七日

言懷

飲傅公培園亭卽事

長沙署中

嶽麓山懷杜工部李北海

遊嶽麓寺二首

秋冷

秋雨

十一日夜雪時邀同徐武山許允哲暨諸兒甥登

樂歲亭玩月小酌

生辰有懷

舟行

歲晚

官閒

冷署


獨坐

樂歲亭聞鳥語

樂歲亭小憩即事

夏日雜詠 三首

雨餘夜步閒階



夏日雜詠 三首

雨餘夜步聞階

夏日閒吟

立秋日作

漫題

益植白梅八月卽開南方暖氣太甚作此誌之

秋深

同友人夜坐

秋思

漫興

閱世

冬夜讀書

鳥

雲霧

憶山居
二首

春初

桃源

老累

塞外
三首

秋
二首存一

塞外三首

秋二首存一

秋雨

卷二

居易草堂詩集

五言排律

集飲荷池餞別李少白步韻

送伍介麟邑侯致仕歸全州

恭賦 御製薰風處處新

賦得年年慶大有應制

壬午歲五月二十五日

賜御書恭紀

秋夜獨坐

自閩之滇有感而作

塞外

七言律

菊

鷗

先大夫忌辰

九日邑侯伍介麟招飲

襄陽旅夜

九日邑侯伍介麟招飲

襄陽旅夜

不第

徐允成招飲三塔寺次韻

和高別駕

再和高別駕

立秋前一日親友邀飲鳳翔寺

舞鳳山登高限七陽韻

京上寺

秋日晚眺

三台坡

寄張子初同學

和王總戎投贈集

壬申初度宿三台坡

九日雨

秋日懷清苑張一菴同寅

恭讀 御製操舟說有述

恭讀 御製修竹賦有述

恭讀 御製古檜賦有述

次秀山許太史中秋對月韻

恭讀 御製古檜賦有述

次秀山許太史中秋對月韻

送河東馬蹇使

寄徐溝令徐鹵臣年兄

送尤晉侯武舉回滇

長安九日秀山許太史邀陪諸公共酌

二一首

由御史外除口北道感賦

京北沙河懷黃虞菴道長

居庸關道中郎事

雞鳴山

夏日偶感

秋日

次西甯何令韻

秋興八首用杜少陵韻

登雞鳴山

歷亭懷古

遊華不注山

趵突泉

秋日

倦遊

秋日

倦遊

古歷亭眺望有懷

迎老母將至署喜而賦此

重九署中集謝麟一孫虛巖暨表姪施台甫登平

臺小飲是日六兒居頤九兒居恆十兒居泰十

二兒居翼長孫璋俱在和虛巖原韻

二首

挽馮少司寇再來

送登州總戎宗弟還鎮

壬辰冬之任閩藩奉母太夫人至署舟中偶作

九仙山卽事

六十初度

居易草堂

登華藏寺應不知禪丈約卽事

七夕邀李在公太史謝景行施台甫及諸親友集

鳳翔寺登眺有感

喜旭仲宗姪來任河陽令

旭仲姪邀同謝景行施台甫及諸子孫飲撫仙湖

卽事

秋懷

卽事

秋懷

松柏

不知禪丈邀遊華藏寺同謝景行施台甫仍率諸
兒并三孫友壻尹以參後至偕登大寺瑤光臺
蓬萊閣三清閣薄暮觀水泉少憩水亭卽事
奉命仍撫長沙紀恩

赴長沙

陰

署中高閣遠望

登長沙城懷古

嶽麓書院試士作

嶽麓寺

長沙演武

深秋

偶題

遣懷

除夕

登望江樓

長沙懷古

登望江樓

長沙懷古

有所思

初晴

遊嶽麓寺

湘江懷古

夏仲偶題

寄懷

小滿節邀孫虛巖徐武山昆仲源魯及門謝景行
妹婿張謝兩外甥及諸兒孫輩登望江樓觀插

禾卽事

同友人晚眺

江干

偶懷

雨晴懷古

思鳳麓

除夕

夏日偶題

新月

歸歎

新月

歸歎

垂釣

五言絕句

閨怨 三首

垂柳 二首

七言絕句

長安道中

冒雨晚歸和徐久成一
尹原韻

河陽

三
口
五
遺
集
目
錄

口北偶感

夜雨五首

七夕偶作

獨坐

課園

望江樓

桂花

卷三

居易草堂文集



奏疏

奏疏

居易草堂文集

奏疏

請澄清吏治疏

請加廣西雲南貴州三省會試中額疏

條陳山東災民事狀疏

條陳常平倉穀存三借七以補春耕疏

請分設湖南鄉闈疏

再請分設湖南鄉闈疏

公牘

詳覆直隸總督飭查靈壽六縣修固關情形

詳覆眞定府重派靈壽一縣修補執事

牒文

牒山神驅虎文

記

重修靈壽城北樓記

樂歲亭記

居易草堂詩集卷一


居易草堂詩集卷一



滇陽李發甲瀛仙氏著

五言古

中秋後二日感懷



屈指今何日年已三十七春光荏苒過事業總非實與
物頻推遷孰得而孰失緬懷王佐才所尙枉經術愧我
腹空疏萬斛竟無一此身生有自誰無氣與質老大徒
增傷腐草非香苾跋涉赴帝京乃爲升斗出親老飯
強健童穉忻繞膝斑衣樂天倫慈顏得愉佚皤鬢髮將

新深謝 皇恩溢所生有七男終朝費呵叱年長不好
書曠廢誠無匹抱攜何有知惟爭棗與栗物雖貴遲成
而志非超軼鳳龍不敢期豈爭蜂與鷓門戶有興衰天
運洵難必我盡鞠育情爾曹當自悉人生不百年何苦
過憂恤富貴隨所之貧賤甘隱逸紛馳竟何爲守拙甯
云空天地本渺空浮生如蜚啣身世漫拘牽適性卽貞
吉榮悴無有常疇能知始卒物理皆如此吾心不用恤
庚午初度示仲青弟

余生三十九屈指一何有父母生此身所畀原至厚不

能踐厥形枉過徒滋咎歲月任因循此志竟虛負三萬

余生三十九屈指一何有父母生此身所畀原至厚不
能踐厥形枉過徒滋咎歲月任因循此志竟虛負三萬
六千場還以心自叩腹不筭五經河汾道焉守大儒百
代宗羞稱古人後高枕臥龍岡又非王佐偶富春山峩
峩羊裘稱釣叟我來亦丈夫何苦甘奔走弧矢射四方
經綸在腋肘人生一世間事業當不朽天地本廣大吾
人能肖否勞勞此頻年富貴資身口王道與聖功責我
良不苟至理根性天須克副所受浮生意竟何成碌碌將
白首既往不可追從茲宜自覆努力強仕時尚論千古
友年齒愧虛增恥辱甯云壽

壽蕭敘九年兄

人生不識韓封侯亦何有詎意羈句町傾蓋得良友襟
期浩凌霄意氣深自負富羅萬卷書落筆蛟龍吼窮經
洩典墳積學成淵藪關閩道在斯吾生甯獨否少小徒
翫麟老大一經守世俗蒙塵埃何嘗高步走羨君麟鳳
姿戢羽海濱久夔龍相揖讓圖史列左右廟堂豈庸材
由來歸大受千里萬里飛扶搖信非偶男子射四方功
業當不朽值茲懸弧辰滿斟爲君壽

送劉三如長兄

薄遊古句町我兄從天至一別已八年恍如旦夕事元

送劉三如長兄

薄遊古句町我兄從天至一別已八年恍如旦夕事元
化猶鑪冶日月隙駒易兄年半百過余亦強仕始茫茫
兩大閒壯行何日遂我兄閒氣鍾端然人中瑞胸次筭
典墳爭樹吾道幟濂洛登奧堂百家尤篤嗜著作日以
多源泉想才思肘腋起經綸咸推社稷器磊落偉丈夫
戴仁而抱義驍騫擅奇姿相顧空北冀但以一經鳴嗟
哉濟川志風雲會有時富貴安可覲憶兄滄桑時父母
雙盡瘁殉難史冊芳爲臣誰與比至今煥嶺頭雨露朝
垂淚兄能讀父書塵埃復何累滇蜀無甯居先業守弗

李中丞遺集卷一
三
一抗懷樂天真浩浩焉所倚履境困而享杯酒時復醉
笑談天地初余每領其意古人迹已往精氣在文字陶
然覆載中期不聖賢愧信手寫素心短檠再揚解

立秋日有懷

高風瑟瑟起爽氣動八埏畢尾見昏旦陰陽南北躔所
以扶抑功帝王每乾乾神化真翕闢盈虛任自然寥廓
生宇宙宇宙立地天萬物依逆旅來往各相沿發生長
養後收斂乃得堅日以圓爲照月以虧爲全商音中彝
則義正此時先鷹隼始用擊肅殺貴節宣庭葉蕭蕭下

孤雁排雲翩人生樂幾何胸臆漫拘攣長空冰鏡皎坐

則義正此時先鷹隼始用擊肅殺貴節宣庭葉蕭蕭下
孤雁排雲翩人生樂幾何胸臆漫拘攣長空冰鏡皎坐
嘯東籬邊卓哉吾道貴甯與物推遷

獨坐

春草翻青色春水漾綠波瞻彼桃李姿其如蘭蕙何野
雲幻物彩秋風嫋嫋過悠然萬里心良會漫蹉跎有懷
濟川功令我雙鬢皤

詠蘭

芳蘭生幽澗佳氣溢山岑當爲王者香乃伍眾草林空
谷抱清潔澗之傷素心秋來徒盈把獨茂少知音初此

李中丞遺集卷一
四
爲雜佩采采鳴瑤琴徘徊岩穴中日暮浮雲深

感時

白露零寒夜鳴蛩一何閒
秋風聲蕭瑟草木盡闌珊
東樓有好女晨起椎雙鬢
不爲君子容豈爲世人顏
之子昔所美乃與相同班
不如三危鳥取食在玉山
羅網不相及听夕任往還

在靈壽作

平生無別懷所志在素履
華膺非所榮遑日羨金紫鶴
髮垂高堂捧檄聊相喜
跋涉赴中山不以折腰恥
撫字

良非輕職守曷敢弛晨夕
抱如傷每飯憐赤子饑溺良

髮垂高堂捧檄聊相喜跋涉赴中山不以折腰恥撫字
良非輕職守曷敢弛晨夕抱如傷每飯憐赤子饑溺良
可憂媿我官卑耳以此痛肺肝披衣常夜起迂拙非逢
時骯髒招物訾蒼茫人世閒吾道同敞屣搔首問青天
悠悠何所止緬古保民人千載垂青史熙熙仁壽風歌
頌猶未已兀坐契遐心思欲倣前軌跬步多棘荆何如
樂秋水

送桐城張相國予告南歸

轟轟龍眠山濯濯大江水中產曠代賢淵清及嶽峙夙
昔簡木天玉堂儲多士寵自清華中
青宮資正始秩

宗典百神夙夜寅三祀禮樂接先王文章邁諸子熙載
總厥師保乂皇躬美常於堯舜前時進禹皋旨獨立
回元氣清標聖心喜卓哉匡贊功平格調國是何事
辭朝端飄然向閭里至尊切勉畱百寮勤仰止白袷
山中相皤皤神仙耳雙鳳象賢儔廟堂繼燮理作述
映千秋芳聲永青史

趙烈婦

誦詩美栢舟正氣凌風雅景彼田家婦流徽楚南野唱
隨纔三月忽悲黃鵠寡同穴志不渝義重生自舍勁節

挽顏波貞魂慰泉下巾幗尙如斯鬢眉應愧也彤管闡

幽寺上寺采風者

隨纜三月忽悲黃鵠寡同穴志不渝義重生自舍勁節
挽頽波貞魂慰泉下巾幗尙如斯鬢眉應愧也彤管闡
幽芳伫待採風者

汪貞女

蒸竹挺寒姿孤松畱勁節懿彼汪貞女卓卓閨中傑柳
絮詠獨工史箴誦不輟伉儷未及偕寡鵠忽悲咽絕粒
竟舍生床頭帶暗結志同金石堅身與冰霜潔矢死美
栢舟皦日誇同穴潛德紀芸編千秋仰貞烈

壽蘇谷侯年翁

易水誕英傑胸次羅千秋浩浩凌長風誰復測微幽小

李中丞遺集卷一
六
儒抱一經乃爲大道憂沈潛性命府濂洛繼聖修灑然
塵垢外富貴非所求五難旣超脫採藥白雲頭韜光隱
市門寄懷在十洲商山有四老此翁是其儔無事而生
定造物安能尤抗懷齊物論守眞任所遊上古有大椿
神全亘古畱以此爲公壽八十進一籌

遺問

人情去古遠吾道猶冰炭此日金蘭交來朝秦越判敦
龐世所迂狙詐習相翫大雅邈難追互鄉何足算戈矛
日以尋仁義安能扞俯仰甚寬平江河起波瀾悠悠造

化中滾滾是非絆富貴等浮雲逢迎眞愧汗丈夫志四

方告氣眞平且差戎生庸流收云立崖岸禱人白晝聞

日以尋仁義安能扞俯仰甚寬平江河起波瀾悠悠造
化中滾滾是非絆富貴等浮雲逢迎真愧汗丈夫志四
方浩氣慎平日嗟我性慵疏敢云立崖岸驕人白晝閒
搖尾昏夜半鬢髮正當存執鞭良可歎

七言古

杜坦如道長請廕宋儒邵康節子孫五經博士疏
入報可詩以紀之

盛代殊恩表昔賢關閩濂洛氣昭宣學達性天標御
額官延博士續家傳闕下千官皆喜起寰中萬國羣
歌美炳煥文章日月光流通道德江河水搜遺尙有邵

堯夫子孫世廕昔年無直臣慷慨投封事請官厥後
帝曰俞堯夫先生真人傑內聖外王歸所挈踏開月窟
任游行探出天根工點綴五百餘年元會逢應有敷陳
來杜公風追擊壤康衢上理遡先天太極中杜公高義
藏肝腑鞭霆駕風驅豺虎力闡前儒啟後知清風讜論
垂千古我親盛事樂陳詞此心此理允同宜元良契合
斯文慶在天之靈應鑒之

閨怨

深閨寂寞漏聲杳思伯甘心夜悄悄縱有北堂忘憂樹
百年心事何日了自嗟妾本良家女征夫不歸無與語

遠山疊處似蛾眉關嶺遙遙鴻雁阻春來芳草連天綠

深閨寂寞漏聲杳思伯甘心夜悄悄縱有北堂忘憂樹
百年心事何日了自嗟妾本良家女征夫不歸無與語
遠山疊處似蛾眉關嶺遙遙鴻雁阻春來芳草連天綠
春風不解相思曲小膽空房只自知積得新愁千萬斛
繡衾有夢如相覲別來意緒誰能識曉起拂鏡對容顏
默默含情何有極

五言律

薄游

迢遞來京國秋深旅舍寒孤雲依遠岫片月掛層巒
林木窮猿赴鹽車困驥歎夜來思耿耿歸興寄雲端

曉起

柴門扃白日曉起看晴霞天外風翻鳥階前露濯花青
山收雨腳綠樹長雲芽俛仰塵寰表怡情便作家

仙湖遠眺

湖面明如鏡渟泓淨絕塵波光涵日月水氣浴星辰風
定魚龍寂春回舟楫頻四圍山色好蕩漾數峯新

秋日遊華藏寺

選勝開華藏入門幽鳥啼雲連千嶂迴月映萬川低地
是金沙布庭看寶樹齊大乘如可悟策杖問前溪

秋日之元江別家大兄

是金沙布庭看寶樹齊大乘如可悟策杖問前溪

秋日之元江別家大兄

作宦蠻荒地晨昏別老親弟兄惜分手兒女繫孤身四十嗟遲暮百年甘賤貧家園樽酒在遮莫老風塵

三百八渡

兩山夾一徑終古石粼粼怪樹窺雲表寒鷗起水濱行六十里曲曲幾多津馬首征途倦咨嗟徼外人

旅中不寐三首

時寓元江上寺

欲寐不能寐其如旅思何壯心千里寄苦海幾時過七尺因名繫高堂愛日多鐘聲愁裏入中夜起悲歌

李中丞遺集卷一
欲寐如將寐幽懷何日寬天涯知己少海內論心難親
髮年年易宦途事事寒平生多傲骨肯戀此卑官
欲寐竟不寐披襟強自寬年華虛半世蹤迹繫微官遊
子思將母殊方耐早寒丈夫承世運日日望長安

元江卽事

拙官能白髮况復入炎荒路險憐疲馬途長怯裏糧愁
眠更漏永望曉物情傷薄祿承親意九迴此日腸

客中言懷

官閒人事少猶自愛吾生十載青燈志千秋石室盟每

憐荒舊業不敢恥微名對月常樽酒如何有不平

官閒人事少猶自愛吾生十載青燈志千秋石室盟每
憐荒舊業不敢恥微名對月常樽酒如何有不平

遊三塔寺

冷署苦多俗愛茲山水清老僧知客意古塔助詩情犬
吠雲中影雞鳴月下聲悠哉忘物我真欲謝浮名

重九前二日蒼山雪

未到重陽日點蒼風雪霏黃花憐瘦影丹樹凜寒威水
落溪聲咽雲封山色微推遷冬氣逼署冷杜門扉

同鄭沛三諸子飲園亭卽事

暮春羣卉發相賞過園林愛客山翁癖探幽拙吏心銜

李中丞遺集卷一
杯花共醉促語鳥知音無限傷春意不辭更漏深

書懷

平生何所事荏苒白頭翁途窘懼親健官貧喜歲豐花
光環几席山色護簾櫳地僻塵氛淨禽聲午夢中

獨居

游心觀八極大塊渺吾徒日月光羣動乾坤胚萬殊昂
昂櫪下驥泛泛水中鳧何日孫陽顧鹽車舒卒瘡

暮秋

秋深霜露重獨坐夜淒清少壯因循過光陰荏苒驚天

空雲散彩風急雁含聲把酒南軒下悠悠故國情

秋深霜露重獨坐夜淒清少壯因循過光陰荏苒驚天
空雲散彩風急雁含聲把酒南軒下悠悠故國情

江皋

秋晚寒無柰陰風多怒號潛魚隨旅泊孤雁度江皋明
月還相伴白雲徒自勞倦來塵慮靜不羨五陵豪

塞上

聖主籌邊塞將軍出渭橋祁連烟霧合細柳羽書遙金
鼓星芒動戈矛戰氣消海氛隨劍落振旅翊天朝

小除日言懷

除夕明朝是行年事事非一經徒老大五斗任卑微捧

檄承親志瞻雲望

帝畿韶華過四十萬里幾時歸

鳳山曉望

碧映湖山外青來霄漢中
石橋村舍近魚艇芰荷通
阡陌規庭碩樓臺厥鬱蔥
朝曦飛照處天際起清風

別靈壽士民

自託忘年友重過衛水濱
心交隨聚散宦薄逐風塵
每有思歸興翻成惜別身
青山時在眼肯負故園春

別鄭沛三文學

自是交聲氣其如分袂何
五窮原乏技千頃有餘波

散風塵外形骸梁月過金門
應不遠相待話鸞坡

自是交聲氣其如分袂何五窮原乏技千頃有餘波
散風塵外形骸梁月過金門應不遠相待話鸞坡

思親

慈親還舊宅遊子廢晨昏天性何堪別烏私用自存望
雲山嶺隔愛日屋廬溫甘旨頻年缺遙將語眾孫

再過靈壽有懷諸紳士

四載辱珂里停車舊郭門瘡痍仍未起庸碌遽承恩宦
況貧非病交情久更敦回思諸父老夾道愧攀轅

除夕

報國知何日悠悠歲月遷浮名虛半世華髮逼中年恩

重君親并情深兒女牽孤燈今夜裏假寐待朝天

春日言懷

長安春色麗杯酒日相邀萬戶笙歌襍九衢羅綺驕客
心芳草外鄉夢白雲邊伴食西臺裏素餐慙聖朝

送王安之任江津

迢遞江州路銅章入縉雲集鸞稱異政驅虎待神君清
徹三江秀花開滿縣芬至尊猶盱眙未敢恨離羣

長安秋懷 二首

衰草增寒氣悠然動客愁疏鐘驚午夢蕭火報深秋感

慨推遷理淒其歲月流捫襟長歎息懷抱寄滄洲

衰草增寒氣悠然動客愁
疏鐘驚午夢蕭火報深秋
感慨推遷理淒其歲月流
捫襟長歎息懷抱寄滄洲
秋高風露急羣動斂其眞
萬化分榮落百年有屈伸
橫琴流水靜對酒遠山親
天地如蓬轉悠悠此世塵
肅肅霜風入山雲過戶寒
黃花棲腐草陽鳥宿江干
世路升沈易名途出住難
鄉心隨皓月遊子滯貧官

秋風

何處秋風起蕭蕭盡日吹
雲連平野暗天入遠山低
砧杵千家急尊鱸一夜思
老親常萬里拙宦欲何爲

懷朱奏雅學博

相別是何日蒼茫已十年形容非少壯南北各風烟生
計青山裏心交明月前故園歸未得愁向小窗眠

和許秀山太史韻

四首

細雨秋來爽山光遠抱城天高涵露白雲淡映江清客
況迎秋色鄉心寄雁聲長安遊子夜獨對月華明

大火西流日金風報曉寒山環清露冷樹掛夕陽殘旅
況忘憂易交情耐久難孤燈儻有夢飛度白雲端

滿院花陰入清幽似遠村浮雲飛暮雨旭日漾朝曦鳥
語枝頭度雞聲籬外喧異鄉寒月夜何以答親恩

慙無壯士劍誰爲惜黃金萬里思親意九重戀主心

語枝頭度雞聲籬外喧異鄉寒月夜何以答親恩

慙無壯士劍誰爲惜黃金萬里思親意九重戀主心
樂貧隨所適忘世豈相營載詠吟秋句情深不自禁

望月有懷

憑軒聊悵望明月照人顏對此花前酒悠然雪滿山孤
雲千里外結想寸心閒安道何時見相思入夢還

上谷道中連日遇雨

僕僕竟何事馳驅冒雨行水連天色近霧隱樹梢平斷
續前村路淒清孤客情老親隔萬里無計到家庭

秋夜獨坐

萬里當秋夜低回時屢更野雲穿幙冷飛燕趁霜鳴舊
事閒堪憶新詩苦未成燈前聊一酌猶自惜吾生

重九日署中登平臺卽事

邊庭重九日節序可忘機鄉夢三秋月霜威萬戶衣開
樽山色近落帽樹光稀同作天涯客撫茲心事微

流光

歲月如駒隙流光不更來形容非舊日事業近庸才展
卷消清晝臨池坐綠苔平生良自負何以報涓埃

秋八月旱

清晨泛小艇禱雨入明湖樹密雲成幕荷圓葉少珠歷

秋八月旱

清晨泛小艇禱雨入明湖樹密雲成冪荷圓葉少珠歷
亭悲旱魃北極叩天樞瞻拜瑤臺上崇朝徧八區

秋旱步禱

秋來苦旱甚步禱答其咨黍稷收成薄來牟播種遲顧
瞻稼穡事奚忍宴安爲民隱應須惜丹心敢釋茲

飛雲洞 二首

鴻濛開宇宙結構自天然谷壑無痕迹神工獨斡旋樓
臺涵日月殿閣廠山川飄渺雲中見幽深不記年

畫棟天工巧飛甍人事殊莊嚴成法界清淨似浮屠古

壁松蘿掛懸崖林壑趨征塗聊暫憩雲向馬頭紆

浮生

浮生憐腐草白首儘癡頑身世慙三樂功名媿兩間有
懷黃鵠志肯傍白鷗閒緬彼磻溪客後車命載還

冬夜獨坐

歲事行將盡吾生亦有涯濠梁魚自樂山海鶴爲家曠
望煙雲外悠然歲月賒一尊期自適富貴等春華

妾命薄

自知妾命薄敢負主恩隆邁此閨凶日淒其霜露中遙

憐京國夢空度楚湘風悲感君親重幽棲玉笥東

自知妾命薄敢負主恩隆
邁此閔凶日淒其霜露中
遙

憐京國夢空度
楚湘風悲感君親重
幽棲玉笥東

居易草堂

一堂新結構居易額其名
今古無終極滄桑有變更
眼前皆自得身外不須營
靜挹山光好悠悠懷古情

索居

晴雲虛斗室生意漫蘧蘧
鳥弄池邊樹風翻榻上書
青山頻入座明月慣愁余
麋鹿何時友蕭然歎索居

夜坐

肅肅涼風起悠然動客心
天空雲影幻月滿露華深
耶

壑藏吾道尊鱸戀舊林青山原有約高臥惜分陰

遣懷

昨夜清商入淒淒吹我襟青山歸倦鳥明月促寒砧對
酒雲穿徑論文花滿林遙遙懷古意空谷幾知音

老去

老去經營少聊甘一畝居故人常寂寞家計日蕭疏東
園瓜堪摘西園竹可鋤簡篇消歲月猶自愛吾廬

暇日

暇日無他事扃門慣檢書松篁朝靄重星月夜牕虛茶

老香逾淡花寒色更疎悠悠忘物我乃在天地天初

暇日無他事，扃門慣檢書。
松篁朝靄重，星月夜牕虛。
茶老香逾淡，花寒色更疎。
悠悠忘物我，乃在地天初。

八月十五日

追感生悲慟，終身有此憂。
誰留天上月，來照世間愁。
心事枯椽在，音容夢寐求。
丹青存妙手，瞻拜淚長流。

十一月七日

三年不見母，忌日倍傷心。
霜露懷遺澤，枯椽想德音。
昊天曾不弔，哀淚豈能禁。
望斷高崗上，松楸徹夜吟。

言懷

綸綍來雙闕，君王恩遇深。
庸才非鉅任，白首祇丹心。

雁促衡陽雨魚寒湘水陰
九重非萬里
清問慰黎

黔

飲傅公培園亭卽事

重到嵩陽地名園招飲過林深
邛壑迴院靜竹松多對
局分奇陣銜杯起浩歌
南州徐孺子清峻樂巖阿

長沙署中

流光何迅速迂拙老儒生
才忝封疆任心懷蔀屋情
在公惟補過退食敢他營
聖主恩深重甯忘幽獨盟

嶽麓山懷杜工部李北海

名山藏勝蹟神物少人知
林麓少陵詠藤蘿北海碑樓

嶽麓山懷杜工部李北海

名山藏勝蹟神物少人知
林麓少陵詠藤蘿北海碑樓
臺雲裏見城市望中迷絕頂
一憑弔斜陽掛樹枝

遊嶽麓寺二首

郊坰開小隊清磬上方聞
山勢隨雲轉江流入望分
老僧常伴鶴古刹更眠雲
暫憩石床上開樽看夕曛
已到金沙地還開老衲扉
鐘醒蕉鹿夢棒息海鷗機
方丈雲生座蒲團雪照衣
浮生談半日薄暮始言歸

秋冷

蕭疏林葉脫秋色正微茫
雲暗江逾白風迴山更蒼
孤

懷憐皓月兩鬢怯嚴霜寂寞瀟湘遠砧聲搗夜涼

秋雨

九月時時雨有時一撥雲大川波浩瀚廣谷霧紛紜
屋埋秋潦炊煙斷晚曛 廟堂南顧意誰共 主憂分

十一日夜雪晴邀同徐武山許允哲暨諸兒甥登

樂歲亭玩月小酌

雪霽晴光皎相邀玩月華九霄凝玉宇大地起霜葩
星斗當簷動山河入望賒一尊亭畔酌官閣靜無譁

生辰有懷

吾年六十四生世總蹉跎天地年年老古今日日過微

生辰有懷

吾年六十四生世總蹉跎天地年年老古今日日過微
官消歲月壯志寄山河白髮青雲在端居發浩歌

舟行

四首

洪山橋畔水歲歲送行旌歧路悲楊子窮途哭步兵白
雲天外盡青柳望中生悵望河干上悠悠離別情

揚帆歸萬里滾滾自東流水逝云何急舟行應限愁柳
迎風浪細鳥過石林幽晚渡松陰下停橈且暫休

雞唱舟行早彌天尙有星帆輕尋亂石風細漾寒汀烟
霧前村杳江湖獨客醒朝暎天際曉開霽見山青

湘東江上月照耀白人頭
陌畔芄芃草沙邊泛泛鷗
功名同做蹤身世等蜉蝣
賴有青山在歸來策杖遊

歲晚

歲序亦云暮年華漸漸催
西風噓白露螢火點青苔
少壯眞虛負衰遲莫自灰
武公勤耄耄踐此降衷才

官閒

官閒無一事胸次得悠然
臨帖風生硯攤書月滿川
盆花棲小鳥砌草咽幽泉
兀坐塵氛靜北窗高枕眠

冷署

冷署偏宜性迂疏少送迎
門前車馬靜案上簿書清
庭

收雲多座天空日照盈
窗惟鶯下夢簿書復可營

冷署

冷署偏宜性迂疏少送迎門前車馬靜案上簿書清庭
敞雲移座天空日照楹窗雞驚午夢薄宦復何營

獨坐

平居談治術自許有何奇管樂非王道伊周是我師草
茅風雨夜廊廟對揚時耿耿衙齋裏永懷報主知

樂歲亭聞鳥語

鳥語何閒暇悠然送好音須知託地好何用入山深消
息江湖意行藏松竹心亭虛驚午夢華髮誤朝簪

樂歲亭小憩卽事

公餘思小憩雅集到虛亭對局分奇正開樽見醉醒山
光檐外入鳥語座中聽豈不憂民力欣瞻四野青

夏日雜詠 三首

倦極惟思睡愁深卻喜貧三山常掛眼十畝足容身渴
飲盧家茗饑懷張子尊六溪儻可到瀟灑坐花茵
江流不可極薄暮望高原削壁羣猿上遙汀孤鶴蹲官
閒捐俗慮政拙絕煩言空有迎薰意輕衫憩北軒
閒來高柳下愛此綠陰屯任是東南重心惟冰雪存向
平知止足疏廣戀鄉園滇海堪逃暑何時一杜門

雨餘夜步閒階

平知止足疏廣戀鄉園
滇海堪逃暑何時一杜門

雨餘夜步閒階

雨餘新月上嵐氣落暹天星斗當軒度
山河入望懸螢光飛綠草蛩語雜清泉
閒步庭除下徘徊未肯眠

夏日閒吟

細草微風暗輕帆落日斜
小橋通野水古寺傍山花
燕語憐孤宦鶯聲戀故家
一尊雲外賞結念欲乘槎

立秋日作

西風一夜至萬象待裁成
星鵲當宵度風蟬向曙鳴
太虛凝爽氣大地肅秋聲
寂寞魚龍夜山川分外清

漫題

大雅風期古經營意匠陳鴻濛開日月太始肇君臣穆
穆皇圖盛悠悠萬象溘翹思三代治想見葛天民

盆植白梅八月卽開南方暖氣太甚作此誌之

未到衝寒日秋中忽放梅天心防冷淡俗眼漫驚猜南
國春偏早暗香枝獨開羅浮妝澹雅不待雪霜催

秋深

秋深風露急百草輟其常惟有籬邊菊獨舒寒裏芳浮
空雲影薄度嶺雁聲長撫景悲何限吾生空自忙

同友人夜坐

空雲影薄度嶺雁聲長撫景悲何限吾生空自忙

同友人夜坐

入夜塵氛淨閒階月色明明儕三益友宦況四知情秋
近蟬鳴急更深螢火清劇談思耿耿隔樹聽鐘聲

秋思

漠漠秋來雨沈沈曉起霜野雲依水宿寒雁入空翔坐
久攤書倦談深引燭長茶鐺烹正熟樹色藹蒼茫

漫興

風尚淩夷久其如變態何相戕羅白刃論險抵黃河管
鮑心期少孫龐交道多紛紛江上草閉戶笑烟蘿

閱世

結念無城府，淡然懷葛民。
樸誠思處俊，長厚羨宗仁。
終始惟明哲，功名任屈伸。
知幾今古少，慎勿厭清貧。

冬夜讀書

退食渾無事，荒齋漫檢書。
殘篇遺忘久，往事見聞疏。
老去思偏窒，閒來力少餘。
平生曾未讀，開卷媿居諸。

鳥

漠漠浮雲裏，翱翔各趁風。
誰能知作止，詎可辨雌雄。
芳樹爭鳴隊，青霄任舉翀。
羽毛驚世眼，甯不媿冥鴻。

雲霧

樹爭鳴啄青霄任舉翀羽毛驚世眼甯不媿冥鴻

雲壘

雲壘山脚暗蒼莽勢嶙峋空谷鷹鷂集高崖虎豹蹲牛
羊迷路徑樵牧畏荆榛徙倚江皋上何當一問津

憶山居

二首

誅茅尋結構猶自愛山居曾課桑麻業閒看秦漢書雲
霞供嘯詠葵蕨當畦蔬此境良非易何時歸敝廬
幽居多暇日扶杖看晴川出岫雲無意倦飛鳥自還疏
鐘聞古寺流水度清泉薄暮尋歸徑村醪醉小筵

春初

老去身猶健官衙日閉門簿書消歲月誦讀教兒孫
暇植亭臺樹閒聽鳥雀言春光初入序好景到川原

桃源

漁人亦隱者日夕泛扁舟雞犬吠茅屋桑麻植綠疇
桃花夾岸發溪水在中流借問避秦處白雲嶺上浮

老累

歲月風塵過幡然兩鬢餘老多兒女債愁覺宦情疏
斷簡勤加墨荒畦課荷鋤邱山時在夢何日慰懸車

塞外 三首

青海浮雲暗黃沙戰鼓明將軍雄武庫 天子倚長城

塞外 三首

青海浮雲暗黃沙戰鼓明將軍雄武庫 天子倚長城
鐵騎追風疾金戈耀日橫樓蘭當授首塞外凱歌聲
沙漠風雲變 君王命將征羽書飛瀚海金鼓振龍城
仗劍寒霜白彎弓邊月明神機來 廟算一掃靖欃槍
組練三千士貔貅百萬兵龍堆驅虎豹魚海逐鯢鯨上
將開雲陣偏師肅柳營德威敷塞外吐谷奏 昇平

秋

桑榆景已至豈屑白頭吟廊廟非虛願痼瘵乃素心晚
成名竊忝閒退意彌深何日青山臥委懷在古今

李中丞遺集卷之二
秋雨

楚國經旬雨山川時出雲魚龍神變化草木占氤氲鳥
語枝頭寂風聲屋角聞攤書床榻上誰與共論文

居易草堂詩集卷二

居易草堂詩集卷二

滇陽李發甲瀛仙氏著

五言排律

集飲荷池餞別李少白步韻

同寄樸榆城君何去意頻高
懷凌碧漢雅度出紅塵聚
首見交態離羣憶德鄰
文章千載業意氣百年真
山色逢秋老江聲入夜馴
迢迢雲裏雁草草坐閒茵
有淚難爲別孤懷自可親
交情風雨夜還望寄詩新

送伍介麟邑侯致仕歸全州

民惜來滇暮君權去邑輕心勞難註考志泊易辭榮琴
罷囊猶響風飄袖已清山添新宰相望繫舊蒼生遺愛
存孤碣傳經聽一鳴但親三徑菊誰羨五侯鑄鉅流
何競書堂勝莫爭閒參無量壽敬謁有虞城歸去辭堪
讀登臨意轉驚數年神共契千載志原并所感非私好
相思豈世情可憐諸父老莫挽使君行

恭賦 御製薰風處處新

沕穆淳風古敦龐景運昌太和涵宇宙元氣釀明良浩
蕩蘇羣動舒徐扇萬方阜財率土潤解慍普天翔習習

風飄入溫溫神化颺五絃揮舜日聲教訖無疆

武曷手手慶大有應制

蕩蘇羣動舒徐扇萬方阜財率土潤解愠普天翔習習
風飄入溫溫神化颺五絃揮舜日聲教訖無疆

賦得年年慶大有應制

帝德深無極皇仁徧八垓天心儼對越民隱盡昭回默
合陰陽撰潛孚健順才清甯看位奠風雨應時來歲歲
耕耘樂年年穎粟堆康衢歌大有薄海際春臺

壬午歲五月二十五日 賜閣臣九卿詹事翰林

科道 御書恭紀

聖朝文命重 宸翰燦天章濡墨雲爲藻揮毫烟欲翔
縱橫風雨驟鈎畫日星芒義肇蟲書古頡開鳥蹟祥鳳

鸞綜少昊蝌蚪邁高陽天地精英聚鬼神靈氣張龍螭
生變化川嶽肖蒼茫結構干霄漢精深出廟堂嶷嶷敷
至道郁郁啟文昌邁勁逾蠶繭雄豪淨麥光剡藤奎璧
耀玉版烏龜藏書法超千載筆鋒益百王粲繇何足儔
義獻孰能當直矣 敷文主卓哉 祇德皇自天頌寵
命徧 賜及鴈行 金闕聆綸綍 玉階齊拜颺珠璣
輝九有錦繡布多方長抱菲葑媿獲親翰墨香黍交賡
喜起保合頌明良世寶千秋重天球奕葉芳小臣邀
寵錫深感戴 垂裳擬古君臣際猗歟在在唐

秋夜獨坐

寵錫深感戴

垂裳擬古君臣際
猗歟在在有唐

秋夜獨坐

瞬息金飆起容顏
不耐秋夜闌
霜氣偏漏盡
月華流木
葉侵簷響蟲聲入戶
幽吾生原有數世路
漫相求富貴
無常定榮枯甯自由
青門長避世
赤壁暫忘憂
巢父羞汗耳
鴟夷遂泛舟
天時成代謝
人事總沈浮
志士趨良會
達人尚素修
百年渾似夢
五嶽未全遊
落落酬蒼昊
憧憧歎白頭
一真同蠛蠓
萬物等蜉蝣
飲露棲三島
御風徧十洲
盛名人所忌
躁進世相尤
分定宜知止
心閒不事愁
蒼然雙鬢改
凝坐想南州

李中丞遺集卷二
自閩之滇有感而作

客路八千里征途五月餘江深風吼急山險馬行徐落
日悲孤鳥斷雲悽舊廬猿聲愁裏聽柳絮望中舒旅館
霜生鬢鄉關雪擁車悠悠終古恨搔首自躊躇

塞外

塞外妖氛起霜寒六月時 至尊勤廟算小醜弄潢池
鐵騎三千士金吾百萬師干戈森日月步伐壯熊羆脅
從歸沙漠渠魁盡蕩夷賀蘭烽燧靖振旅拜 丹墀

七言律

菊

羣芳凋落已多時
詩愛淺黃花
開最遲
自是炎香能遠谷

七言律

菊

羣芳搖落已多時
愛我黃花開最遲
自是淡香能遠俗
爲憐幽韻更宜詩
東籬放眼乾坤大
西圃舒懷性性怡
每憶物華傷歲晚
等閒還有傲霜枝

鷗

江上棲遲渾息機
隨潮來往自相依
春洲芳草憐孤影
秋浦寒蓬送夕暉
風定江湖窺水立
月明蘆荻掠煙飛
是非多少人間事
莫笑煙波生計微

先大夫忌辰

時戊午年八月十五日夜漏下更餘

每遇中秋淚滿襟終天抱恨到於今
雞豚未逮人間養
松柏徒畱冢上陰三十年來追遠日
八千里外感時心
趨庭望斷悲孤子鳳嶺迢迢可自禁

九日邑侯伍介麟招飲

滿院黃花自遠塵官閒甚快此中貧
疏疏星月當筵大
采采茱萸入盞新縱飲方知天地闊
劇談終覺友朋真
世情淡處渾如菊陶令依稀是故人

襄陽旅夜

雨雪霏霏楓葉垂征夫何事苦相隨
千山歷盡程猶遠

匹馬孤行意每遲北望神京羞作客
南懷甘旨愧爲兒
莫工吟
清可恨
一度寒風
一度思

雨雪霏霏楓葉垂征夫何事苦相隨
千山歷盡程猶遠
匹馬孤行意每遲
北望神京羞作客
南懷甘旨愧爲兒
漢江今夜情何限
一度寒風一度思

不第

燕臺春暖上花枝
萬里看花遠
別離旅店星霜生
白髮
川原風景覓新詩
金門柳色千官曉
玉殿鐘聲五夜遲
落第那堪鄉國異
故園何事不神馳

徐允成招飲三塔寺次韻

秀削青山曉色新
花深幽磴不勝春
千尋筍嶺高排漢
十九蓮峯秀出塵
雨霽松門天漠漠
風迴巖瀑石粼粼

金蘭偶涉真成趣不敢科箕傲世人

和高別駕

磊落英標自昔年風騷不讓晉唐賢
奇書滿榻畱雲臥疏竹盈窗遲月眠
放眼古今惟得句陶情松菊不須錢
多君自擅無雙譽逸氣紛披映講筵

再和高別駕

深秋何事思千里爽氣浮空帶月橫
雲斂松濤簾影靜風敲竹韻客窗清
詩經百煉金方粹酒酌千觴玉共傾
每憶光風承雅調追陪不用話閒情

立秋前一日親友邀飲鳳翔寺

西流大火起金風七載萃遊秋乍逢
父執高年衰更白

每憶光風承雅調追陪不用話閒情

立秋前一日親友邀飲鳳翔寺

西流大火起金風七載萍遊秋乍逢
父執高年衰更白兒郎總角漸成翁
坐間且盡樽中物眼底猶如江上篷
頻指湖山供笑傲詰朝落葉問征鴻

舞鳳山登高限七陽韻

重陽攜酒陟高岡極目烟雲共渺茫
曉日晴霜墮澗谷西風古道簇松簧
百年心事驚秋色九日登臨醉玉觴
戲馬臺前遙寄興清吟此際倍疏狂

寓上寺

僧舍爲衙不自禁更誰問字到禪林松濤拂座虛堂靜
月影橫空旅思深冷露霏霏催客鬢白雲片片寄鄉心
風微江上漁歌晚曲曲傳來入夜吟

秋日晚眺

秋高清露滿山椒雲淨寒潭映碧霄沙白渚青江滾滾
楓丹蓼紫雨蕭蕭一官奔走鄉心遠萬里關山客夢遙
目送歸鴻秋漸老天涯遊子信無聊

三台坡

萬丈層巒勢接天風風雨雨望中懸參差古樹迷飛鳥

斷續棲霞咽暮蟬九曲由來跨勝蹟三台何以列荒煙

正天海單攀愛苦馬首遲迴畏不前

萬丈層巒勢接天
風風雨雨望中懸
參差古樹迷飛鳥
斷續棲霞咽暮蟬
九曲由來跨勝蹟
三台何以列荒煙
征夫每憚攀援苦
馬首遲迴畏不前

寄張子初同學

遊子何堪臨極荒
征途百折似羊腸
雲從馬首層層起
風向山巔陣陣涼
蹤蹟天涯憐客況
弟兄交道悵他鄉
髫年蘭臭真同調
爲寫離情付雁翔

和王總戎投贈集

將軍英武從天授
誓掃鯨鯢靖八垓
劍倚秦山驅虎豹
軍騰蜀道叱風雷
身經百戰勞王事
威鎮重關挽日

李中丞遺集卷之二
回滇海借籌抒 廟算千秋銅柱映三台

壬申初度宿三台坡

此夕不遑將我母驅車百折宿三台身臨石澗星光近
坐聽松濤月影陪矢志四方尋伴侶擬遊五嶽任徘徊
卑棲豈爲逃名計肯令韶華白髮催

九日雨

重陽竟日雨纏絲籬下黃花起宿烟戲馬臺前遶寄興
臥龍山上憶登筵淒風吹處如官況秋色浮來似晚天
坐對高梧聊泛菊江湖佳節自年年

秋日懷清苑張一菴同寅

平分爽氣共恆山幾度牽思夢不閒二益論心同得友

坐對高梧聊泛菊江湖佳節自年年

秋日懷清苑張一菴同寅

平分爽氣共恆山幾度牽思夢不閒
三益論心同得友
二毛握手各羞顏
尋花伴酒歌朱鳳
無雁傳書看白鷗
寂寂燕臺涼月夜
秋高雲樹數峯閒

恭讀御製操舟說有述

河洛澄清瑞氣浮
聖心咨儆著操舟
轉移風纜宜安審
扶夾雲帆在豫籌
已見濟川平絕險
更思持楫穩中流
萬幾有暇垂鴻訓
燕翼貽謀百世留

恭讀御製修竹賦有述

李中丞遺集卷之二
高節干竿雲際揚貞心自許獻君王渭川幹古經霜雪
淇水姿清集鳳凰春藹青青浮翠色歲寒冉冉帶幽香
中虛應與宸衷會爲寫清陰載袞章

恭讀御製古檜賦有述

勁幹凌雲高百尺由來風雨任飄零無枝卻許同松柏
左紐眞堪對日星蒼翠聳然畱鐵色離奇曲處肖龍形
宣和尙有千言紀睿藻揮成萬古青

次秀山許太史中秋對月韻

碧天如洗淨浮雲秋色三三此夜分波湛天河澄碧落

光含星斗散清芬千家砧杵敲霜鬢萬里音書雜雁羣

幸與同心予肅詠爽樓乘興一爲醺

碧天如洗淨浮雲秋色三三此夜分波湛天河澄碧落
光含星斗散清芬千家砧杵敲霜鬢萬里音書雜雁羣
幸有同心抒嘯詠庾樓乘興一爲醺

送河東馬使

昔年鎖院共冰心更送君行酒滿斟三晉關山紅樹遠
萬家井竈白雲深初霑惠澤歌衣袞夙仰丰裁待作霖
王屋烟嵐看落雁遙知長夏鬱棠陰

寄徐溝令陳鹵臣年兄

使君聲望久相誇百里絃歌駐彩霞化雨自濡春有腳
澗風漸被鼠無牙飛觴靜對汾陽月立馬遙看廣武花

此日循良應報最元龍仙鳥近京華

送尤晉侯武舉回滇

征車歸去路蕭蕭楚水黔山伴寂寥望日迴看金鳳迴
瞻雲應憶碧雞邊胸羅秘笈曾窺豹臂挽瑤弓好射鵬
屈指雲臺圖偉貌前身應是霍嫖姚

長安九日許秀山太史邀陪諸公共酌

驚心此日是重陽攜手燕臺話故鄉佳節天涯同作客
良辰吾黨共稱觴競看凡卉爭先豔愛有黃花獨後芳
插得茱萸須盡醉陶然是處卽羲皇

去年登高靈壽東今日樽開燕市中歲序驅人如過隙

寒花笑我頰楓蓬可甚白髮形多蕪嶺有青山興不窮

插得茱萸須盡醉陶然是處卽羲皇

去年登高靈壽東今日樽開燕市中歲序驅人如過隙
寒花笑我類飄蓬何堪白髮形多憊賴有青山興不窮
萍寄天邊惟把酒秋高江上一漁翁

由御史外除口北道感賦

拜獻蘭臺已數春素餐無計答 楓宸只期黔首安生

業甯計黃花笑逐臣

是秋上言山東災民
狀未幾遂有是命

塞上孤忠懸

日表嶺頭皓月黯風塵長安車馬如相問惟有冰心戴

一人

京北沙河懷黃虞菴道長

數載班聯氣自投燕臺風雨日相求多君峻骨含冰雪
顧我庸才宜壑邱鎮朔樓頭雲萬里居庸關外日三秋
懷人一夜催霜鬢攜手何時整舊遊

居庸關道中卽事

居庸設險衛神京形勝天開似畫成兩道山峯飛萬疊
一盤石徑曲千尋參差古木蟬聲細斷續邊牆月影橫
勝國殘碑今尙在年年風雨積苔痕

雞鳴山

雞鳴絕頂勢嵯峩獨立武州半壁多氣吐風雲聯紫塞

光含星斗滴銀河曉霜孤障居庸磧夜月寒沙瀚海波

自是巨靈開重鎮公餘載酒一相過

雞鳴絕頂勢嵯峩獨立武州半壁多氣吐風雲聯紫塞
光含星斗涵銀河曉霜孤障居庸磧夜月寒沙瀚海波
自是巨靈開重鎮公餘載酒一相過

夏日偶感

桂苒韶光鬢欲絲無端惆悵憶芳時心懸魏闕孤臣節
夢繞庭闈慈母知年歲漸增人易倦鄉心欲寄雁難期
風寒塞上情無際獨坐高齋日正遲

秋日

天空雲影抱江流獨坐虛齋各思幽縱覽古今如旦暮
寄形天地若蜉蝣強將笑語消長夜莫使生涯負白頭

耿耿悲秋愁不寐關山迢遞苦淹留

次西甯何令韻

廿載風塵鬢已絲悠悠世路悵歸遲天涯知己相逢日
旅館清樽話舊時疏廣高蹤憐客夢馮唐衰老起鄉思
銜杯此際情何限三益論心是所師

秋興八首用杜少陵韻

淅淅高風動遠林無端秋色自蕭森飛狐嶺外千峯暗
鎮朔樓前百雉陰霜鬢馮唐虛壯志清秋宋玉倍傷心
關山迢遞情無限愁聽寒衣搗夜砧

楓落邊城夕照斜燕雲南望是京華蕭蕭孤雁雲中度

意意客星海上差詩重流維杼笑眼月明紫塞德清旂

關山迢遞情無限愁聽寒衣搗夜砧

楓落邊城夕照斜燕雲南望是京華蕭蕭孤雁雲中度
隱隱客星海上槎菊種疏籬舒笑眼月明紫塞聽清笳
年來袞職慚無補垂老好栽陶令花

雨過山光映日暉晴雲半嶺落風微城高樹影千層迴
樓接烟霞百道飛多病天涯知己少閒愁世路論心違
杖藜欲問田園樂一任乘堅與策肥

宇宙由來一局碁浮沈天地總堪悲千年風雨懷秋意
異代山川感舊時初霽谿通流水急輕涼野闊落霞遲
蒼茫塵世如蓬轉高枕虛齋不盡思

上都面面列青山征戰當年虎幄閒
漠漠浮雲橫峻嶺娟娟涼月照雄關
九重遙望開仙仗雙闕頻依接

聖顏回首烏棲臺上客鴛行隨仗立朝班

居庸西北柳川頭風度霜橋鎖素秋
曉角聲吹添壯志清砧敲動起深愁
秦雲高處遮鴻雁漢壘平來起鷺鷗
塞北三關誰設險層屏列障護神州

長城萬里幾時功曉月秋霜在望中
萬堞斜連山海日九邊直接雁門風
馬嘶芳草黃塵暗劍倚長空白晝紅
聞說昔年征鼓日將軍鬢鬢已成翁

雲橫巖岫自逶迤一曲桑乾千頃陂
寒度邊牆飛柳葉

霜飛澤路老風支一宮遠塞淮司調
三徑荒園自不移

聞說昔年征鼓日將軍鬢鬢已成翁

雲橫巖岫自逶迤一曲桑乾千頃陂寒度邊牆飛柳葉
霜飛驛路老楓枝一官遠塞誰同調三徑荒園自不移
喜有陽城曾著論千秋悵望至今垂

登雞鳴山

隱隱孤峯望欲迷夕陽山下日沈西千盤幽徑連雲入
一派寒光映月低秉燭登臨驚匹馬開樽夜話聽村雞
相看共醉朦朧眼且宿僧房覓杖藜

歷亭懷古

城環濟水匯明湖一派清光似畫圖山氣遙通泛煙水

風聲微動禦菰蒲齊梁人物風期邈李杜文章嘯詠孤
偶憇歷亭懷往哲當年軼事至今無

遊華不注山

華山秀出幾重重岌業由來造化鍾東接滄溟開列嶂
南聯秦岱瞰諸峯參天獅窟九霄近大地龍蹲萬壑從
獨立齊州形勝好層巒猶是古堯封

趵突泉

渟泓飛瀑自何年歷下西南注大川一氣奔騰翻雪浪
三輪流轉噴珠泉化工信有循環手人世奚煩布置權

浩瀚真源無可測個中想是老龍眠

三輪流轉噴珠泉化工信有循環手人世奚煩布置權
浩瀚眞源無可測個中想是老龍眠

秋日

蘆荻花飛起客愁年年宦海幾時休青山不許勞人臥
白髮何堪塵世遊堂上慈親猶健飯階前穉子可忘憂
遙瞻三徑秋光好明月清風取次收

倦遊

三十年來已倦遊低回往事倍增憂狂歌豈爲邀名計
彈鋏當思濟世謀君德高深慙靖獻臣咨寒暑愧勤
求撫膺只合歸三徑鋤菊看花亦自由

古歷亭眺望有懷

海右雄藩擅濟東明湖激濫色空濛天開圖畫烟雲外
人在冰壺蕩漾中遠近山光環曲檻迷離樹影入簾櫳
歷亭懷古芳蹤邈剩有唐人嘯詠工

迎老母將至署喜而賦此

十載迢遙定省疏望雲萬里竟何如孤蹤宦轍羈冰署
遠道慈闈御板輿黃髮正趨東郡日斑衣乍舞北堂初
兒孫繞膝天倫樂不羨陶公頻寄魚

重九署中集謝麟一孫虛巖暨表姪施台甫登平

臺小飲是日六兒居頤九兒居恆十兒居泰十

一兒居吳長系章具在印虛巖原韻

重九署中集謝麟一孫虛巖暨表姪施台甫登平

臺小飲是日六兒居頤九兒居恆十兒居秦十

二兒居吳長孫璋俱在和虛巖原韻

薄暮招攜上露臺親朋畢集一樽開華山挺秀聯平嶂
濟水噴珠貫曲隈萬里鄉關雲際遠三秋客夢雁聲催
相看少長情無盡醉倚黃花待月來

忽驚重九漫登臺叢菊含英帶笑開寄蹟天涯同作客
閒情節序共銜杯近瞻秦岱雲千片遙望滄溟水一隈
落帽高風何處是茱萸此日喜追陪

挽馮少司寇再來

山聳天台碧漢高，獨鍾閒氣挺人豪。
家危烽火經艱阻，帝鑒忠勤寵節旄。
報國孤忠畱海表，事親純孝慕劬勞。
風悲仙馭乘雲逝，華表千秋賁彩毫。

送登州總戎宗弟還鎮

送客東郊踏雪行，四圍山色護歸程。
高低樹影千重出，左右湖波一片明。
裘帶風期敦古處，宗盟意氣洽平生。
疏慵愧我虛榮祿，何似嫖姚萬里城。

壬辰冬之任閩藩奉太夫人至署舟中偶作

新綸初捧速王程，畏此簡書宵夜征。
薇省恩銜虞績

覆萱闡祿養，遂鳥情樓船。星擁孤臣節，岸柳時依遠使。

在法去閩疆可所折服 九重南顧在民生

新綸初捧速王程畏此簡書宵夜征薇省
恩銜虞續

覆萱闡祿養遂烏情樓船星擁孤臣節岸柳時依遠使
旌茲去閩疆何所報
九重南顧在民生

九仙山卽事

福州府省城內東南隅

縹渺層巒天外清振衣霄漢玉峯晴江山不盡登臨興
身世偏多憂樂情塔鎖寒煙迷遠岫鐘敲幻夢度榕城
一樽坐笑花含醉萬派雲霞照眼明

六十初度

江上遊人幾日歸風塵歷徧素心違八千里外迢迢夢
六十年來事事非檢點平生餘傲癖盱衡世路有危機

東山不厭高人臥莫負韶華待落暉

居易草堂

隱几幽窗風雨來隔籬蟬噪亦何哀百年心事秋聲老
一世升沈霜信催紛郁羣葩爭豔發芬芳孤蕝耐寒開
可憐傲骨輕時眼獨守清標醉醲醅

登華藏寺應不知禪丈約卽事

齊梁梵刹古摩尼燈續西來法一枝半日浮生依老衲
萬山枯坐卽吾師巖間樹影參天迴谷裏泉聲落澗遲
爲報山僧尋舊約春茶滿注正相宜

形勝天然似畫圖晴光掩映抱仙湖千枝影列青萍劍

萬嶺聲九鳥玉壺遠近香臺雲外見參差抵對月中舒

爲報山僧尋舊約春茶滿注正相宜

形勝天然似畫圖晴光掩映抱仙湖千枝影列青萍劍
萬籟聲沈碧玉壺遠近香臺雲外見參差祇樹月中紆
松風謾謾傳鐘磬五色明霞燦寶珠

閒來策杖入雲峯精舍人歸山下逢苔澗泉聲能走石
蘿軒月影正含松瑤光掩映花千疊金闕高懸星萬重
坐久不知塵世事隔溪鳥語自從容

天下名山半佛居西來大意竟何如鉢中世界諸方遠
物外煙霞一衲餘放出乾坤和露洗劈開流峙帶雲鋤
松栽石上眞三昧漫道禪心只是虛

廿載萍蹤今忽歸昔年禪丈苦相違
鹽車老驥今華鬢
杯渡頭陀久息機
雲外松濤流梵響
花邊月色映柴扉
浮名世上勞筋骨
何似空門倚翠微

七夕邀在公太史謝景行施台甫及諸親友集鳳

翔寺登眺有感

凌霄傑閣自當年
輪奐飛甍護大川
萬丈文光聯玉笋
千盤雲錦簇金蓮
傳燈古佛餘芳草
卓錫山僧漑石田
臨眺每多悲感意
先人往蹟獨流連

喜旭仲宗姪來任河陽令賦贈

吾宗遠抱濟川才
百里名花手自栽
滿架圖書供嘯詠

一簾琴鶴近蓬萊
桑麻友雨家家遍
兆李春風處處開

喜旭仲宗姪來任河陽令賦贈

吾宗遠抱濟川才百里名花手自栽
滿架圖書供嘯詠一簾琴鶴近蓬萊
桑麻夜雨家家遍桃李春風處處開
起我鄉邦安衽席千秋蔽芾爲君培

旭仲姪邀同謝景行施台甫及諸子孫飲撫仙湖

卽事

四面晴嵐接遠天湖光潏灩逼城邊
風含細浪文成藻雲郁千峯錦作煙
村舍桑麻耘綠野井闔刀尺促秋蟬
清樽此日眞嘉會少長追陪玳瑁筵

秋懷

長空如洗淨園林景物蕭疏不自禁
露濯秋聲鳴靜夜
風敲天籟促寒砧
馮唐壯志憐雙鬢
阮籍歧途苦獨吟
垂老那堪思萬里
燕臺翹首五雲深

松栢

森森百尺漫婆娑
古榦蕭疏歲不磨
秋氣催殘冰是骨
霜威甯耐鐵爲柯
飛熊皓首餘礪叟
盤馬蒼顏起伏波
最愛後凋饒晚節
虬龍未許附藤蘿

不知禪丈邀遊華藏寺
同謝景行施台甫仍率諸
兒并三孫友婿尹以參
後至偕登大寺瑤光臺

蓬萊閣三清閣薄暮觀水泉少憩水亭卽事

兒并三孫友婿尹以參後至偕登大寺瑤光臺

蓬萊閣三清閣薄暮觀水泉少憩水亭卽事

塵囂歷盡戀青山暇日兒孫共往還
逼漢朱薨盤怪石聯雲畫棟矗林巒
萬家烟火簾櫳外一派晴霞登眺閒
往哲遺蹤今昔感流連薄暮水漕漕

奉命仍撫長沙紀恩

徵書萬里下江城重拜君恩事遠征
纒綵柳縈鄉國夢迷離草戀遠人情
三湘夜雨波濤急七澤春寒烟霧橫
主德民依彌自畏菲才何以答昇平

赴長沙

王事馳驅赴楚疆
黔山險仄路羊腸
人從天半爭飛度
馬向雲中競亂行
野鳥數聲牽旅思
林花萬朵拂行裝
親瞻衡岳痾瘵切
願察阡危達
廟堂

秋陰

陰凝四塞翳晴暉
日日衙齋但息機
宿鳥巢中愁濕羽
行人市上畏霑衣
鐘鳴野寺山僧定
楓落江皋秋氣微
徙倚閒階無一事
爐煙細細傍雲飛

署中高閣遠望

閒登官閣望郊關
蒼莽川原列岫環
北匯洞庭收萬派

南臨衡嶽領諸山
漁舟帆挂平疇外
牧笛聲聞綠野閒

自昔星少居重鎮
我來巡省鬼尙哀

閒登官閣望郊關蒼莽川原列岫環北匯洞庭收萬派
南臨衡嶽領諸山漁舟帆挂平疇外牧笛聲聞綠野閒
自昔星沙居重鎮我來巡省愧痾瘵

登長沙城懷古

雨霽沙汀鶴雀飛憑高眺望對斜暉六朝霸業今何在
三載民瘼願已違楚國山川杯底見湘江風景望中歸
只看太傅懷沙賦無限離情戀舊畿

嶽麓書院試士作

嶽峯岌業鎖雲深襟帶瀟湘入遠岑明德豐碑神禹蹟
談經精舍大儒心圖書滿架來宸翰弟子相隨集藝

林小隊登堂瞻拜處孔顏真樂任追尋

嶽麓寺

轟轟峯巒列翠微參差蘭若映朝暉蒼松遠接西來意
古刹宏開東土扉雲外鐘敲禪室定座閒花落梵音希
風塵歷盡空中色暫到山林一息機

長沙演武

六十登壇領一軍書生拜命切瞻雲兵戎每羨黃公
略節制常懷范老勳耀日旌旗揮步伐驅雲將士戢聲
聞桓桓武烈存周禮簡閱應須拔軼羣

深秋

聞桓桓武烈存周禮簡閱應須拔軼羣

深秋

靜夜清商入草廬無端蕭瑟正愁余
衙齋月影千竿竹
几案風翻數卷書海內論心知己少
天涯薄宦故人疏
霜寒兩鬢思鄉切松菊何時可遂初

偶題

廳舍蕭然數卷書風塵久已廢居諸
一官汗漫成鷗鳥
萬軸鑽研愧蠹魚垂老心思猶曠放
乘忙歲月尙紆徐
年華祇畏桑榆近幾得偷閒帶月鋤

遣懷

老去功名久欲休
風塵蹤蹟漫淹留
孤雲舒卷三山動
野鶴踟躕五嶽遊
一片丹心憐皓魄
兩行皤髮寄滄洲
宦情久擲煙霞外
何日忘機伴海鷗

除夕

六十明朝又六年
光陰冉冉一樽前
辛盤獻歲催殘臘
椒酒迎春對綺筵
喜卻脂膏存赤子
堪將心事答青天
序逢除歲他鄉過
爲報東風花信傳

登望江樓

楚天陰雨入春來
偶上江樓望眼開
波穩洞庭吞日月

山高嶽麓走風雷
圻封繡錯煩籌策
民社殷繁想化裁

自古星沙稱重鎮
粵鷹毛節鬼非才

楚天陰雨入春來偶上江樓望眼開
波穩洞庭吞日月
山高嶽麓走風雷
圻封繡錯煩籌策
民社殷繁想化裁
自古星沙稱重鎮
謬膺旄節媿非才

長沙懷古

風物恬熙欲暑時
蒼茫雲樹動人思
少陵佳句今如在
太傅芳名何處追
嶽麓朝看麋鹿苑
湘江夜聽鷓鴣詞
星沙自古稱形勝
雉堞嵯峨雁度遲

有所思

汨汨瀟湘水一灣
臨流何日解愁顏
迢遞鄉夢孤雲外
冷落浮名夕照閒
覽鏡不須驚白髮
乘軒只合戀青山

年來汗漫遊多倦，幾得忘機盡日閒。

初晴

每逢雨後露華明，檻外青山送遠晴。
架上牙籤書數卷，鏡中鬢髮雪千莖。
投簪志遂憐疏廣，荷鍤心閒羨向平。
自笑狂夫多放逸，銜杯貪看嶺雲橫。

遊嶽麓寺

招提隱隱數峯環，映帶江流水一灣。
選勝何年開福地，傳燈自古住名山。
鐘聲處處松濤靜，梵語清時鶴夢閒。
小隊登臨忻共賞，徘徊只戀白雲間。

湘江懷古

小隊登臨忻共賞徘徊只戀白雲間

湘江懷古

江天風雨正霏微汨汨濤聲逝未歸漢室何曾知賈傅
楚人猶自戴湘妃永陵祠廟淒芳草嶽麓書堂照落暉
塵世滄桑憑弔處冥鴻空逐碧雲飛

夏日偶題

攘攘蜉蝣宇內過蒼茫湖海任婆娑蘇門清嘯芳蹤渺
泌水忘機逸興多鳩杖高原尋鹿豕芒鞋幽徑醉煙蘿
對山亭畔芝蘭老不待秋風憶舊窩

寄懷

滾滾紅塵未易攀
天涯宦況只青山
風熏草閣琴聲遠
人臥蕉窗鶴夢閒
碧野煙霞千嶂外
清樽嘯詠萬花間
閒情暫寄湘江上
比似仙湖水一灣

小滿節邀孫虛巖徐武山昆仲源魯及門謝景行
妹婿張謝兩外甥及諸兒孫輩登望江樓觀插

禾卽事

民生何事繫懷思
東作方興在此時
煙火邨邨勤畚鍤
田疇處處樂耘耔
嵐光掩映參天起
樹影陰濃入水奇
最喜登臨風景好
淥醴滿酌不須辭

同友人晚眺

最喜登臨風景好
淥醞滿酌不須辭

同友人晚眺

冉冉晴霞列翠屏
夕陽西指眾山青
江干雁陣聯雲影
煙浦漁舟隱釣汀
興劇剡溪饒逸致
風高角里挹芳馨
一灣新月鄉關渺
把酒清歌醉晚亭

江干

日暮江風起白波
扁舟搖曳夜如何
葛巾三徑遊芳草
斗酒雙柑醉晚蘿
車馬漫驚狂客夢
煙霞常賦採芝歌
江山萬疊勞青眼
自笑年華一擲梭

偶懷

滄桑世故總推遷
買得青山對菊眠
雨漢衣冠餘蔓草
六朝宮苑滿荒煙
浮雲事業千秋夢
逆旅光陰百歲憐
曠望古今悲往躅
寒空明月自年年

雨晴懷古

雨霽沙汀鶴鶴閒
晴雲縹渺過林巒
陶劉事業荒煙外
屈賈文章夕照間
全楚川原杯底合
大江風物座中環
憑欄不盡滄桑意
酒滿樽前月滿山

思鳳麓

細雨霏微入夜涼
鳳山松柏渺蒼蒼
翹瞻峴岵形容杳

馳想邱廬道路長
景逼桑榆嗟老憊
寵邀旌節愧封疆

鹽車自顧非千里
歸去衝門鬪豆量

細雨霏微入夜涼
鳳山松柏渺蒼蒼
翹瞻吧岵形容杳
馳想邱廬道路長
景逼桑榆嗟老憊
寵邀旌節愧封疆
鹽車自顧非千里
歸去衡門嚙豆糧

除夕

芳節催人意若何
年華如在隙中過
煙霞翻爲微名阻
歲月那堪短髮皤
老去風塵猶跼蹐
愁來霜雪漫吟哦
角巾安得高蹤遠
一到林泉一放歌

夏日偶題

三十年來許國身
天涯微賤一孤臣
芻蕘莫補烏臺舊
歲月徒增白髮新
時愧庸才虛衮職
每思多病遠 楓

宸 主恩天渥容疏放扶杖優遊仰大鈞

新月

新月初生掛太空清光淡淡入簾櫳山河掩映青霄外
星斗昭回碧漢中身世百年成底事交遊四海洽孤衷
巴歌一曲樽前酒坐向林皋趁晚風

歸歎

持節星沙一載餘天涯何日賦歸歎晉時逸韻傳三笑
漢代高風有二疏一棹煙波供晚釣半畦風雨翦春蔬
櫻鞋桐帽塵氛外尚有幽齋數卷書

垂釣

櫻鞋桐帽塵氛外尚有幽齋數卷書

垂釣

雲淨長空夕照微孤亭趺坐息心機
清風江上魚龍靜皓月林間鶴鶴依
篆爇爐烟偃宿夢蟻浮村酒醉荆扉
素餐久抱東山想鳩杖閒行看釣磯

五言絕句

閨怨三首

妾本良家女昭陽殿裏行珠簾深夜掩
默坐自含情寂寂深宮裏承恩二十年
蛾眉不敢掃明鏡照窗前春草年年綠
春花開幾時御園羣卉鬪爭取上林枝

垂柳二首

岸柳條條發宦情
日日疏故園樽酒在
意興復何如
柳絮乘風舞飛翻
動客愁相看情不厭
明月照江樓

七言絕句

長安道中

五陵公子正逢春
車馬翩翩踏軟塵
一擲黃金千百萬
當年輸殺布衣人

冒雨晚歸和徐九成二尹原韻

登臨詞客醉陶巾
山水尋芳豈厭頻
雨色不隨人冷煖

歸來月影上苔茵

登臨詞客醉陶巾山水尋芳豈厭頻雨色不隨人冷煖
歸來月影上苔茵

河陽

河陽形勝冠華東玉筍金蓮造化工劇愛鳳山臨撫水
居然人在畫圖中

口北偶感

憶別慈親已六年望雲時切鳳城邊一官塞上孤臣節
何日斑衣到膝前

夜雨五首

晝夜雨聲入耳頻閒愁端的寄花茵簷前一陣微風起

吹到匡牀夢裏身

涔涔霪雨集階除
砌上花容久不舒
安得撥雲驅霧手
陰霾揮盡見清虛

可是商羊作祟時
連朝竟夜雨霏霏
陰霾四塞無晴霽
綠野田疇一望迷

霧滿高山草滿溪
行人寂寂水瀰瀰
窮簷蔀屋停春杵
隔舍鄰家啼小兒

去年六月雨滔滔
今歲連綿六月遭
仁愛天心應憫惻
雨師忍聽此嗷嗷

七夕偶作

雨師忍聽此噉噉

七夕偶作

七夕爭傳駕鵲橋
人間天上路迢迢
穿針乞巧皆餘事
惟見銀河注碧霄

獨坐

對山亭畔竹陰斜
坐看山光興自賒
梅雨淙淙清澈耳
塵氛淨處便爲家

課園

官衙隙地惜荒蕪
待寫滄洲種菜圖
爲圃爲農同此意
一畦春韭飽餐無

望江樓

危樓矗矗對江開
日日雲帆過幾回
嶽麓山頭飛翠色
特教松韻入窗來

桂花

仙種飄飄出廣寒
烟凝金粟發雲端
淮南花向秋開早
移插湘江香未殘

居易草堂文集卷三

滇陽李發甲瀛仙氏著

奏疏

請澄清吏治疏

爲澄清吏治嚴禁科派以安民生以固邦本事欽惟我
皇上聖明御宇道接唐虞德邁商周而孜孜圖治日昃
不遑四十年來蠲租頻下賑荒屢施且不惜帑金數百
萬專責河臣修築河道凡此憂勤惕厲之衷卽古帝王
饑溺由己之心不是過矣總期大小臣工精白乃心嘉

李中丞文集卷三
惠元元共圖乂安無負我

皇上敬

天勤民之實意起瘡痕而登衽席也臣維

國家之根本在民生民生之休戚在吏治而外之承流
宣化代我皇上分治天下兼總吏治以遂我民生者惟
此督撫諸大吏督撫清則司道府廳州縣莫敢不清而
民生遂矣督撫貪則司道府廳州縣莫不效尤而爲貪
而民生戚矣以一二省之督撫而論卽關係一二省之
民命安危合十五省之督撫而論卽上關我

國家理亂治忽之原是督撫之任綦重誠宜慎擇其人

以司部本者也我

民命安危合十五省之督撫而論卽上關我

國家理亂治忽之原是督撫之任綦重誠宜慎擇其人
以固邦本者也我

皇上闢門明目求賢若渴得一賢良方正之士

特畀以不次之擢所以獎廉抑貪風示天下其勵世磨
鈍之大權至深且微矣今之直省各督撫品行端方清
廉素著激濁揚清釐奸剔弊實心爲民者固久在

睿鑒之中而憑藉高位矇上箝下壟斷黷貨苛求屬員
朘削民膏者亦難逃

睿照之內督撫以司道爲外庖司道以府廳爲外庖府

廳以州縣爲外庖而州縣等官又總爲督撫司道府廳之外庖乃語其究竟總惟百姓受之害及於民而後止臣請備言之百爾郡縣各有境土各有攸司皆

朝廷所設之員非上官樹立之人也履任之後不過初次謁見以盡屬吏之分未聞絡繹省會曠職失業者至於刑名錢穀則有簿書期會以爲程限嚴催完結鮮有不辦茲則府廳州縣一歲之內在省常多在署常少本地之城池倉庫命盜逃人間閭之疾苦生全以教以養皆置之度外惟以奔走承順伺候上官意旨爲第一著

蓋由上官視屬員爲手掌之內可以榮辱予奪而惟其

勢之斤次爲屬員亦聖土官之真能榮辱予奪而不收

皆置之度外惟以奔走承順伺候上官意旨爲第一著
蓋由上官視屬員爲手掌之肉可以榮辱予奪而惟其
勢之所欲爲屬員亦懼上官之真能榮辱予奪而不敢
不聽其命之所自至今日調某府州縣入省議話明日
調某府州縣入省議話臣思辦

國家之公事何妨大書於牌票批示中而必親身調人
乃假公以濟其私者也一官入省省費有派夫馬有派
贄見有派中伙長隨跟役有派上官一飯封賞四兩六
兩八兩不等上官一席封賞十二兩以至二十四兩不
等而又捏爲公務押令某府州縣捐銀若干或百金或

三四百金或一二千金又且上官之父母生辰有公祝
之禮生子生孫有三朝彌月之禮至於平日之生辰節
禮定爲常規無足論已而於常規之外種種取足於有
司嗟此一官上司之誅求者眾如之何民力有不竭庫
項有不虧也在循良之州縣出於無奈勢不能不派慮
其禍之及已也在不肖之州縣從申射利固樂於派以
資緣鑽刺爲才能以諂媚逢迎爲循卓患得患失無所
不至廉恥盡喪官箴掃地總之迎合上官者臭味相投
舉爲能吏持正不阿者冰炭不入目爲庸才此吏道未

盡清民生多未遂大可痛心者也所以督撫壯有司之

詹有司督督無之此公然公派各無忌單即刀居在前

舉爲能吏持正不阿者米炭不入目爲庸才此吏道未
盡清民生多未遂大可痛心者也所以督撫壯有司之
膽有司藉督撫之庇公然私派略無忌憚卽刀鋸在前
鼎鑊在後舉相習爲牢不可破之虐政肆意蠶食而無
所憚恤每歲民間正項征糧一兩有派至三兩四兩五
六兩以至十兩是何名也以我

皇上愛養之赤子竭終歲之胼胝俯仰俱不暇顧而於
朝廷正供之外輒加至三倍四倍五六倍以至十倍不
止夫以

國家之大取民尙且有制也而若輩乃敢取民無度如

此

國家亦安用此剝民之臣爲哉臣請

勅下該部嚴行各督撫痛革一應私派使窮荒僻壤深山窮谷之眾莫不優游耕鑿共膏昇平以含哺鼓腹於堯天舜日之內豈不休哉並不許私調入省如有司不能依限完結大則糾參小則紀過而有司有擅離境土私自干謁該督撫究治倘督撫仍藉公務爲名調省勒捐許言官聞風參究至於私派私斂令督撫加意密查務期盡淨倘督撫徇庇一經發覺照例治罪若一省之

內官不擾民私派絕迹卽以徵督撫之賢能設一省之

務期盡淨倘督撫徇庇一經發覺照例治罪若一省之

內官不擾民私派絕迹卽以徵督撫之賢能設一省之內民不安生仍行私派卽以定督撫之貪縱每於年終令各府州縣出具并無私派印結由該管司道督撫加具印結粘連報部查核如是則百官正而四海清甯萬邦咸若太和元氣在宇宙閒而邦本永固矣臣滇南賤士叨牧靈邑荷蒙

皇恩行取諭置臺班風憲何地下及庸愚臣感激思奮據見聞所及不忍緘默不避嫌怨披瀝上陳以仰報天恩於萬一



請加廣西雲南貴州三省會試中額疏

請加廣西雲南貴州三省會試中額疏

爲

聖主之文教日隆遠方之人材日盛仰祈

乾斷

特沛恩綸以廣會額事欽惟我

皇上崇儒右文振興教化超軼百王海隅日出之地靡
不蒸然向學是以數十年來滇黔粵西之地無不戶樂
詩書俗敦禮樂其時人文風氣之盛初不減於中州復
蒙

聖恩廣增直省鄉額而滇黔粵西幸增解額三分之一
普天士子歡呼雷動共切思皇振古以來闢門旁招之
典何以加此而臣猶冒昧瀆陳者滇黔粵西之鄉額既
加而會試之額仍舊也臣查康熙三十八年內憲臣梅
銷條奏一疏部議雲南四川各中二名貴州廣西各中
一名今除四川改歸南卷外而雲貴廣三省幅幘之大
只共中四名非所以上體

皇上鼓舞遠方之盛心下恤單寒觀光之微志也再查
康熙三十九年庚辰會試南卷終三場者一千六百五
十八卷中式一百四十九人此不足十二卷卽中一名

也北卷冬三場者一千三百七十七卷中式一百二十

康熙三十九年庚辰會試南卷終三場者一千六百五
十八卷中式一百四十九人此不足十二卷卽中一名
也北卷終三場者一千三百七十七卷中式一百二十
二人此不足十二卷卽中一名也四川終三場者一百
一十八卷中式四人此二十九卷有零始中一名也雲
南終三場者八十卷中式四人此二十卷始中一名也
廣西終三場者四十七卷中式二人此二十三卷有零
始中一名也貴州終三場者五十三卷中式二人此二
十六卷有零始中一名也臣思同一舉子同一終場乃
南北則分扣人數之多寡爲取中之定額惟雲貴等省

不復分扣人數只以議定爲例每省或中二名或中一名事例懸殊若此不得不仰請

皇上覆載無私之德一視同仁者也臣請

勅部自癸未會試爲始合南北雲貴廣一十五省終場之卷通盤合算較論人數以定中額不得任意增減曲庇桑梓親識著爲成規至公至當千秋不易庶於

大典有光而我

皇上樂育遠方士子之恩得以均齊踈逖懷才抱德之彥不致遏抑矣

條陳山東災民事狀疏

爲被災之黎流移可憫賑濟之術隨在可施仰祈

彥不致遏抑矣

條陳山東災民事狀疏

爲被災之黎流移可憫賑濟之術隨在可施仰祈

睿鑒廣勅撫綏以全民命事竊照山東六府被災特重
我

皇上宵旰焦勞勤恤民隱

手諭在廷大小臣工卽發帑金百餘萬兩截留漕米五
十萬石復遣八旗官員親赴濟兗東青登萊等府按名
賑濟不使失所

德音一沛山左之民歡聲雷動仰見我

皇上天地爲心

睿慮周詳不遺纖悉

臣

何敢再瀆

天聽惟是六府之內地方千里正中原腹心襟帶之區
數百萬生靈實爲我

國家之元氣

臣

聞自入夏以來陰沴異常麥秋無望蓋

至槐頭柳莖水草榆皮無不攫取爭啖老弱幼穉者半
爲疴瘠少壯強勇者乞食他鄉又聞白晝通衢已有剽
人而奪之金者矣彼其苟延旦夕之命而計緩須臾無
所依賴不暇顧惜良可哀矜又聞賣妻鬻子止博百錢

搗葉磨根難充一飽甚有人相殘食之慘此情真大可

閔也凡此赤子幾戰自之於前死之於後印素母

所依賴不暇顧惜良可哀矜又聞賣妻鬻子止博百錢
搗葉磨根難充一飽甚有人相殘食之慘此情真大可
憫也凡此赤子饑餓迫之於前死亡繼之於後卽慈母
不能保其子而謂此蚩蚩者能坐以待斃乎哉臣又聞
山東之民有就食江南者矣有就食江西者矣有就食
湖廣者矣有就食河南直隸者矣一離井里皆成餓夫
日則行乞街市夜則投宿寺宇甚至地方不能容畱有
驅之曠野驅之境外者矣當此顛沛流離啼飢號寒之
際若不預爲補救則轉瞬隆冬凍餒來歲青黃不接不
填於溝壑卽聚於萑苻此一定之理必然之勢也我

皇上至德涵濡聲靈赫濯萬無狂逞潢池之事然從古
致治保邦在於幾先母待事後未雨綢繆之計不得不
鯁鯁過慮也臣愚以爲亟請

皇上敕下該部遍諭各省督撫司道府廳州縣等官凡
遇災民入境著各該地方官加意查明著緊存恤勉給
餽粥併令安置得所再有養至來年秋成送回復業凡
若干名者從優分別獎勵則已逃者可望還鄉待斃者
得甦殘息庶幾上慰我

皇上已饑已溺之懷再如河南湖廣浙江江西山西陝

西福建直隸及江南之邳泗盱徐等州縣間有水旱災

傷已經各督無彙報業蒙

皇上已饑已溺之懷再如河南湖廣浙江江西山西陝
西福建直隸及江南之邳泗盱徐等州縣閒有水旱災
傷已經各督撫彙報業蒙

皇上發粟煮賑蠲免錢糧各省災民均霑

曠典猶慮其中有逃散就食者亦宜行令所在官司加
意查明勉捐存養俱俟來秋沿途各官資助路費送回
復業如此則我

皇上如傷懷保之仁得以廣被無告流移困苦之眾不
致相煽爲非民命存亡盜賊生息舉判於此我

國家所以杜絕株萌培養元氣億萬年無疆之歷服在

是矣



條陳常平倉穀存三借七以補春耕疏

為考黎之等井立常平之貴山二萬流憲請變通以廣

條陳常平倉穀存三借七以補春耕疏

爲窮黎之春耕宜省常平之積貯當疏應請變通以廣
皇仁事欽惟我

皇上軫念邦本嘉惠民生於天下郡縣設貯常平倉米
穀以備荒歉而賑黎元其未雨綢繆思患預防慮誠深
且遠矣普天之下莫不食德飲和歡呼雷動歌咏

聖澤粒我蒸民臣見郡邑之米穀非不收貯矣乃貯之

既久在在霉爛又在在虧空此其故有二一在廉靜謹
守之州縣視倉儲爲

國家之大計恪遵部例加謹封貯欲出陳而不能欲貸
民而不敢恐上司以法繩其後也是以日復一日寒暑
交侵鼠雀耗蝕紅朽灰爛致羅包賠莫可控告一在貪
鄙大膽之州縣視倉儲爲私家之積蓄罔遵部例隨便
挪用或以易銀而充橐或以食指而養家又或私借與
民低放高收外加利息至五六升悉入私囊是以日復
一日倉廩空虛顆粒無存上司卽經盤查不過徐以俟
其補苴究竟文移頻催能足舊額者甚少祇惟上下掩
飾以聽異日之參罰已耳臣觀此二者均於倉儲有未

當是以上體我

飾以聽異日之參罰已耳臣觀此二者均於倉儲有未

當是以上體我

皇上保民如傷之至意而於

國計民依不得不鯁鯁過慮亟請變通也臣作外吏時

當東作之餘勸民乘時播種勿怠田功見民間缺乏牛

種者十之六七舉皆挪借於富戶每斗折錢算息轉眼

秋成一本數利比及登場正賦取之私債迫之日用衣

食及親朋祭祀耗之此民所以多貧而田所以多荒而

不治也臣思斯民養生之具其遠大經久者不外稼穡

樹藝牧蓄二者以爲仰事俯畜之資一夫不耕必饑一

女不織必寒必世無不耕之民斯戶無不給之家茲則
人不皆農而耕而食者十之三四不耕而食者十之六
七又有貧窮之民瓶無儲粟缺少籽種坐廢耕耘亦良
可憫也今之常平之設本以爲民也而民尙有艱於春
耕而鮮力作之資者有司拘於成法束手而不敢動懼
其掣肘而參處隨之也曷若變通於成例之內倣宋儒
朱熹社倉之法而行之春時受粟於倉以資種粒秋成
計穀以還以完正額每斗收耗三合以備鼠耗而又倣
十家爲甲甲推一人爲首五十家推一人爲甲首其游

手無賴與衣食不缺者不得與於其中有司置簿以貸

清年收收不置者有罰比乞道罰已行既效之良法也

十家爲甲甲推一人爲首五十家推一人爲甲首其游
手無賴與衣食不缺者不得與於其中有司置簿以貸
隨年斂散不還者有罰此乾道間已行輒效之良法也
請

敕下該部檄行直省恪謹行之按照大中小州縣每於
十分之中存三以備不虞借七以補春耕秋收抵還取
耗三合年終繕冊以報不得欺隱不得侵挪不得額外
多取及刁難指勒等弊年年於是行之則窮簷樂業得
有耕種之資卽有凶年亦免流離之患不必出陳易新
而倉儲不致腐朽不必輓運隣封而所在民無菜色此

亦法之可行者也不然水旱蟲蝗數十年而一遇若必
歲歲收貯待饑而賑不事變通非致霉爛之虞卽坐侵
蝕之弊二者上無裨於

國計下無益於民依徒令貪墨奸胥從中漁利深有負
我

皇上如天之大德再四思維不若變通行之之爲小補
也而又在上官不責以文法不繩以駁詰俾得竭心力
以從事儻州縣中有不實心奉行及鮮成效聽信吏胥
叢弊滋奸無益於民而反致擾民者則有糾劾之典在

臣緣倉儲民生起見伏乞

叢弊滋奸無益於民而反致擾民者則有糾劾之典在

臣緣倉儲民生起見伏乞

睿鑒敕部議覆施行





請分設湖南鄉闈疏

臣

謹

請分設湖南鄉闈疏

臣惟

皇上振興文教八表同風愛惜人才一長必錄是以戶
習詩書多士蔚起未有如今日之盛者也查湖南七府
二州所屬距湖廣省會或一二千里或三千餘里每逢
三年鄉試之秋遠隔八百洞庭之險又值溽暑炎蒸暴
風陡發波濤騰湧舟楫傾危歷來應試諸生屢遭覆溺
自臣三月任事以來據各屬貢監生員楊啟鼎等紛紛
呈訴俱稱湖廣分設撫藩雖與陝西江南相等原無分

闈之例但陝西盡屬陸地江南止隔一江俱無洞庭之險湖南府州縣衛學多於湖北額取新生亦多於湖北而湖南赴試入闈者不滿三千名湖北將及萬人風濤不測以故裹足不前者十有七八茲據諸生情詞激切籲請具

題分闈臣查康熙四十四年十一月內經前撫臣趙申喬

題請分闈分額又於五十一年六月內經前撫臣潘宗洛再行

題請俱經部駁未蒙

允允臣可收復貢

洛再行

題請俱經部駁未蒙

俞允臣何敢復瀆

聖聰但湖南洞庭險隔臣昔身經其地每逢七八月秋水時至一派汪洋士子赴試實有性命之虞與陝西江南水陸無阻者不同我

皇上好生之德如天含覆千古未有之

盛典照臨中外無隱不周無思不服湖南士子既皆踴躍功名又復畏顧性命仰希憐才惜士之

聖恩各願公捐三年廩膳科舉盤費及歲貢旗匾舉人

會試腳費各項銀兩於長沙府設立科場現有明藩舊址地勢寬厥建造有餘儻費有不給各學紳士情願按名再捐不費

國帑等情但事屬分闡

大典應否繕疏具

題臣未敢擅便伏乞

睿裁批示遵行謹具摺請

旨

十月十四日奉

硃批卽當具題

十月十四日奉

殊批即當具題



李中丞文集卷三

七

三
日
五
月
三
日
三



再請分設湖南鄉闈疏

臣查尋思建南闈一案前蒙胡南士子龔東司在在念

再請分設湖南南鄉闈疏

臣查得懇建南闈一案前據湖南士子屢陳洞庭危險
籲請分闈臣因關係科制

大典未敢造次疏

題恭卽具摺請

旨蒙

皇上御批卽當具題臣隨欽遵繕疏具

題今禮部等衙門以科場定例年久不便紛更議覆奉
旨依議臣何敢冒昧再請以滋罪戾惟是恭逢我

皇上振興文教培養人才事事超越千古如鄉試屢經
廣額會試分省取中

萬壽遇旬加科苗獠一體科舉弁兵許應武試以及文
入武闈武入文闈凡茲

曠典亙古所無何常拘於定例况湖南士子因洞庭危
險覆溺甚多籲請分闈願共捐三年廩膳等銀建造貢
院不費

國帑此等迫切情狀實出萬不得已更有不忍以定例
拘之者曩年

聖駕巡視河工憫念洪澤湖風波危險設立救生樁全

拘之者曩年

聖駕巡視河工憫念洪澤湖風波危險設立救生椿全
活無數生靈遐邇感戴今洞庭之險十倍洪澤萬難立
椿惟有分闡一舉可以保全士子之性命是卽洪澤湖
之救生椿矣

聖恩浩蕩莫大於此乃前撫臣趙申喬具

題於先旣格於部議撫臣潘宗洛繼

題於後復格於部議茲臣先奉

俞旨然後具

題仍復格於部議若非洞庭十分危險士子迫切呼號

李中丞文集卷三
何至前後三撫臣疊

奏不已伏思

堯舜之主在上臣身任地方凡有益於士民有益於

國家者例得備悉入

告今分闡一事上以廣

聖主好生之德下以救士子覆溺之危且於科制

大典倍見昌明若因部議而不再瀝下情仰達

天聽則臣負

主恩厥罪滋大除繕疏會

題外臣謹具摺專差恭捧齋

奏伏乞

主恩厥罪滋大除繕疏會

題外臣謹具摺專差恭捧齋

奏伏乞

睿鑒

特賜恩允施行



三
日
九
月
三
日

三



公
曠

羊
夏
直
康
德
晉
街
查
靈
寺
八
系
夫
冬
同
關
寺
三

公牘

詳覆直隸總督飭查靈壽六縣承修固關情形

查看得協修固關城垣一案奉憲檄行查議此正憲臺
虛公仁恕猶恐偏累六縣令其妥議明悉以垂永久以
均勞逸之至意也卑職遵查固關之設界在晉地允爲
燕晉咽喉所以慎固畿輔拱衛神京之重鎮也一經傾
頽修葺誠不可緩但查該守備詳稱六縣協修不知起
自何年徧稽順治年間及康熙元年以後委無案卷可
考詢之搢紳父老僉稱未聞似協修之議實屬初始并

非舊規伏思固關旣爲

京畿重地不但六縣可以協修卽真定三十二城均可捐助不特三十二城可以捐助卽京南四府揆之於義亦可共捐何也此關爲畿甸之巖疆非僅爲六縣之鎖鑰也卑職查照靈邑縣志真定府城四門營房二十四間歲屬本縣修理載在志書可攷而知設云固關實屬歷來應修自必載之志乘刊爲定例則此番協修一奉憲行自當勉強捐辦前赴修葺夫何敢辭獨以無可稽查之事而該守備指爲有碑可憑及閱此碑乃弁日記

姓名自立之碑非六縣公同丈量分定丈尺興工修葺

查之事而該守備指爲有碑可憑及閱此碑乃弁日記
姓名自立之碑非六縣公同丈量分定丈尺興工修葺
公記之碑也卽如卑職靈壽一邑最稱地瘠民貧其本
縣城垣自康熙七年間大雨淋漓四面甃石俱塌康熙
二十五年經前任陸令詳請修理復經卑職於三十五
年到任後詳請修理又屢奉大部檄修至今未能鳩工
修築者凡以連年水旱頻仍老幼轉徙卹災救荒之不
暇將何策以及此茲奉憲恩查議正得藉以均勞逸節
力民千載一時之機會也合無懇請題明動支正項抑
或檄令四府及眞定三十二城按照大中小州縣共相

李口文集卷之三
三三
捐助俾眾擎易舉早得竣事既不致遲延憲檄又不致
獨累六縣至爲平允不然靈邑實屬山僻小邑欲捐俸
薪則一介窮員無從營措欲捐及民間嗟此窮簷生計
方艱萬難措手且功令森嚴安敢自蹈法網伏乞俯察
下悃矜憐裁酌地方幸甚卑職幸甚

詳覆真定府重派靈壽一縣修補執事

詳覆眞定府重派靈壽一縣修補執事

查看得井道執事一案自順治十二年十四年間將額編存畱銀兩節次盡行奉裁解歸大部奏銷在案既已無項可支而執事名色仍歸之靈壽一邑是實已去而名復存苦於無項捐賠所以前任陸令不得不有乞願憲禁永除地方苦累申詳前任撫憲批免之請也現今勒石永禁卷案炳存靈邑紳衿耆民家喻戶曉莫不戴院憲之深仁矣茲復蒙憲檄行令循例修補井道旗杆執事等項職屬吏也理應仰體詎敢故違竊思前任陸

令此邑令也既爲靈民詳免於前職亦此邑令也又復
遺累靈民於後揆之父母斯民之義謂何而爲此尸位
素餐之舉哉況靈之民貧矣砂岡瘠薄半係十室九空
較諸他邑艱難十倍職承乏於茲計三載矣一官萬里
四壁蕭然密邇憲臺照臨之下甯敢欺飾以聳憲聽若
以執事等項仍歸之荒僻無狀之靈邑則永禁碑石現
存旣難責之鳩形鵠面之窮簷而縣官貧寒堪憫又難
責之饗殮不繼之邑令以此一事致勞憲臺鯁鯁過慮
固非屬員之所安亦恐辜撫憲永禁之遺愛也不揣冒
昧呼籲懇請伏乞特賜主持俯準批豁照舊永禁闔邑

固非屬員之所安亦恐辜撫憲永禁之遺愛也不揣冒
昧呼籲懇請伏乞特賜主持俯準批豁照舊永禁闔邑
官民永感一天矣



五十四卷之三

三



牒文

牒文

牒山神驅虎文

牒照康熙三十七年二月二十六日據陳莊牌鄉長周
邦才具呈前事竊惟

聖主在上清甯奠位萬物咸亨飛潛動植昆蟲草木各
正性命保合太和而虎豹犀象獍惡之物亦皆竄伏於
深山大澤不敢縱其屠毒之性以爲民害是以人無疵
癘物無夭札安生樂業共登仁壽未聞禽獸傷人殘民
以逞者也今陳莊一帶地方自三十六年以迄今春二

月猛虎所食人民口數俱可案驗洵有如周邦才所呈者即使王后山等罪惡所積應加誅殛冥有天道顯有王章甯得任彼毒獸殘人肢體血肉狼藉慘出五刑之外而如神者聰明正直享祀一方竟坐視其荼毒不一爲之翦除救護主生者天也保民者

朝廷之所以立法也凡神待命於上天待救於

朝廷安有顯違天心悖棄

王法而縱虎以暴吾民天法其可追乎神責其能辭乎自今以往縣官敬與神約速驅此虎遠避深林查其所

傷王后山等犯何過惡輒爾被噬檻制此虎明正其罪

自今以往縣官敬與神約速驅此虎遠避深林查其所傷王后山等犯何過惡輒爾被噬檻制此虎明正其罪以償民命亦俾王后山等游魂散魄不致含冤於地下爲厲於一方旣享一方之祀自應保全一方之人民驅除一方之毒沴能如縣官所約是真能聰明者也是真能正直者也如其不然縣官不敢虐民此神所諒者神乃縱虎殺之神獨何心乎縣官其能坐視乎當礪戈矛鍛弓矢聚吾民之勇敢有力者環攻而擊滅之以除此一方害神其何顏安享祀事而縱虎以殃民也特遣禮書李能白宣布此意以要於神尙其鑒茲謹牒



記

石印... 卷之三

記

重修靈壽城北樓記

邑城北樓自明季燬於兵崇禎庚辰晉汾曹公始修復之今六十年矣余以丙子春來涖茲土四城陴隄俱已崩圯甕城頽者二是樓雖存亦漸就傾矣詢諸父老僉云康熙七年秋大雨晝夜不止者七日居民廬舍湮沒城斯壞焉余愀然久之謀所以修築之者三上請當事者弗許遂不果其時軍供繁劇加以秋水爲災草芻木皮民充倉且盡余亦不忍以非時之務爲勞民動眾之

舉明年又早至戊寅幸獲有秋而

文廟大成殿歲久將傾謹先其大者勉捐薄俸倡諸紳士鳩工庀材與廣文汪君捷宣杜君君懷縣尉段君六文共襄厥事閱十月而後竣己卯冬乃得畢力於此焉夫築城大役也勞民重事也其所興作非時害義罪之大者也左傳所云凡土功龍見而戒事火見而致用水昏正而栽日至而畢時也先謀慮於其始分財用平板榦稱畚築程土物議遠近計其程限不愆於素義也先王之世事無過舉治有成功率是道也今靈邑之城基

固在也度量工程所需浩繁苟不視歲之豐凶民之勞

王之世事無過舉治有成功率是道也今靈邑之城基
固在也度量工程所需浩繁苟不視歲之豐凶民之勞
逸而亟亟於築城鑿池之是務是困苦我父老子弟爲
也其可乎易坎之象曰天險不可升也地險山川丘陵
也王公設險以守其國是三險者一成於天一成於地
一成於人而要其所以用是險者則在爲民上者謹於
禮以爲國辨其尊卑分其貴賤明其等威異其物采所
以杜絕凌僭限隔上下者一以仁義道德條貫於其閒
乃體險之大者也獨城郭溝池之足恃乎哉東南西三
樓成於前任陸公稼書茲北樓之成也亦以繼公意也

後之君子觀斯城之荒廢而欲起而任之必節民財惜
民力以愛養休息之心爲大工大役之事則民不煩而
功舉經世安民之道胥得之矣爰書是爲之記

樂歲亭記

樂歲亭記

丙申春余奉

天子命來撫是邦當數年水旱之後長沙諸郡縣民有采食藜蒿者窮簷蔀屋多菜色心竊痛之是誠不可以旦夕緩也甫下車卽撥運鄰近倉穀示勸土著富戶量力糶貸更出藩庫數萬金請命於

朝履視災地加振卹焉事未竣而長沙岳州常德三郡濱湖之民以水災見告矣遣官履勘得實疏方上而七郡二州旱災又見告矣余自咎德薄才庸早夜徬徨負

李中丞文集卷三
罪引咎借文武官弁步禱於郡山川社稷城隍之神如
是者數數幸天不遺斯民六月之中旬一雨數日向之
枯萎乾裂者菁蔥暘茂喬然以起農樂於埜商賈樂於
市雨暘時若以至秋成以水旱洊臻之年一旦而爲豐
歲誠不知何以得此

聖天子至仁廣運默契天心恩及萬民余與有位諸君
適際其時當率先士民紀慶稱瑞仰合

朝廷德意因構數椽以筆其事而以樂歲名亭云

原跋

右詩集二卷文集一卷鄉先達中丞李公瀛仙所著也
公以名孝廉起家數歷中外文章經濟久爲吾鄉所宗
仰同治乙丑歲同人醵金構燕集之舍於楚南省垣眾
議所崇祀咸謂莫如公宜蓋公持節楚南其流風遺愛
難更僕數鄉試分闈一事邦人士尤至今謚思之余讀
公入告之詞皆洞中時樊韻語抒寫懷抱不事雕飾嘗
自恨生公後已百數十年不獲躬接言論丰采以爲快
然每於公退之暇展玩斯編亦何異親侍側而聆其聲

李中丞文集卷三

歎乎滇南後學李海觀謹跋



跋

跋

中丞劉公謀重刻李瀛仙先生遺集以屬

嵩燾

校定爲

稍第其篇目芟其繁複彙次爲三卷先生爲政一本愛
人溫惠慈良自然愾於人心爲詩文求適意而已不用
以爲名無有蕲絕奇異可驚喜者然其於家庭骨肉之
交 君國之際纏綿往復其心常若有餘所爲今體詩
往往類唐白文公長慶集之爲蓋深於情者也

嵩燾

竊

有疑者先生極盛之時上被

聖明知遇言足以達其志行足以慊其心又其時中外

當事任者蓄道德能文章有師友見聞之益宜若可以
肆志而忘憂者而先生思念田園之樂永懷不忘視其
功名事業之成否舉無足繫其心而若惴然不可終日
漫興一詩尤懷交道陵夷之感豈仕宦固不可爲而友
朋交際之難雖盛世賢者固亦有不可恃耶讀先生之
文以求先生之心其感歎欷歔又烏能自巳也時在

同治八年己巳歲秋九月湘陰後學郭嵩燾謹跋







